

553

778

491.99-8

2-94

Yt

9 MAY 2010

የኢትዮጵያ



ፖ.ሮፖ.ሮ.፳፻፲፭

8852

Արյունաբեր խորհրդական սփյա բար
1944. ontario canada 17 marginay ave-

491.99-8

2-94

ՀՐԱՎՐԴԱՑՄԱՆ

ԵՐՐՈՐԴ ՏԱՐԻ

Կազմեցին՝ Վ. Խ. Ա. ԱՀԱՐՈՆԵԱՆ

Հրագտա'ն, գետակդ իմ հայրենի,
Հրագտա'ն, ջրիկդ իմ անուշիկ...
ԱԼԻՇԱՆ



1938, ՊՈՍԹԻՆ

ԵՐԿՈՒ ԽՈՍՔ

Բնականաբար, իբրեւ աւելի բարձր կարգի յատկացուած դասա-
ղիք, «Հրազդան» Գ.-ի թէ՛ նիւթերը աւելի բարդ են եւ երկարա-
շունչ, թէ՛ լեզուն աւելի ճռի եւ թէ՛ քերականութեան մասին արուած
դիտելիքներն աւելի յառաջացած:

Հայ հեղինակները հայ մանուկներուն՝ առայժմ դէֆ անունով՝
Զայ հեղինակները հայ մանուկներուն՝ առայժմ դէֆ անունով՝
ծանօթացներու նպատակով «Հրազդան» Գ.-ի նիւթերու տակ տպա-
գրուած են անոնց հեղինակներու անունները։ Օտար հեղինակներու,
ինչպէս նաեւ ներկայ աշխատառթիւնը կազմողներու գրչին պատկա-
նած նիւթերու տակ հեղինակներու անունները յիշատակուած չեն։ Այդ
անունները դրուած են գրքին վերջը կցուած ցանկին մէջ միայն։

Ապուշաբը զիրաւած ու գերէ և ըստ առաջնահամար գործերուն մէջ բառ մ'իսկ Աչուշտ, մէր լաւագոյն հեղինակներու գործերուն մէջ բառ մ'իսկ փոփոխութեան ենթարկելը արդարանալի չէ: Սակայն մէր ընտիր գրողներու գործերը մէր մանուկներուն ըմբանելի եւ սիրելի դարձնելու համար, հայ դասագիրք կազմողները, երբեմն, ստիպուած են փոքրիկ փոփոխութիւններ մտցնել բնագրերու մէջ: Ասիկա թերեւս միակ պարագան է, որ ներելի կը դարձնէ բնագրի նման փոփոխութիւնները: «Հրագրան»-ը կազմողներն ալ բնագրէն շեղելու այդ հարկագրանքին տակ են եղած եւ այդ մասին, ի սէր հայ մանուկներու, կը խնդրեն հայ հեղինակներու ներողամտութիւնը:

Աւելորդ է ըսել, թէ արեւմտահայ մանուկներու ընթեցանու-
թեան յատկացուած «Հրազդան» Գ.-ի մէջ արեւմտահայերէնի վերա-
ծած ենք արեւելահայ գրողներու գործերը:

«ՀՐԱԶԴԱՆ»-Ը ԿԱԶՄՈՂՆԵՐ

Նիւ Ենթ, 1938



4023 - 89

ՄԱՅՐԵՆԻ ԼԵԶՈՒ

Մայրենի՛ լեզու, բարբառ հարազատ,
Մայրիկիս օրօր, հայրիկիս խրատ,
Կը թոխս շուրջէս թեւաւոր, աղատ —
Պապիկիս դորով, մամիկիս հէքիալ՛:

Մայրենի՛ լեզու, կը սիրեմ ես քեզ,
Դուն իմ մտերիմ, դուն իմ բարեկամ.
Խոհերըս ամէն կ'ըսեմ միայն քեզ,
Երբ վիշտ մ'ունենամ, միայն քեզ կուգամ:

Եւ դուն կը պատմես ճիշդ մայրիկիս ոլէս
Վիշտ, ուրախութիւն, փառք ու յաղթանակ.
Մայրենի՛ լեզու, կը հնչես սրտէս,
Հնչէ՛ իմ լեզու, հնչէ՛ շարունակ:

Բարբառ — լեզու

Գորով — դուրդուրանք, ոչը:

Հ Բ Ա Զ Պ Ա Ն

Ուսուցիչը դաս կուտար: Աշակերտները ուշադրութեամբ կը լսէին ուսուցիչին ըսածները:

— Ո՞վ կրնայ ըսել, թէ ի՞նչ բան է Հրազդանը, — հարցուց ուսուցիչը:

Բոլոր աշակերտները մէկէն վեր բարձրացուցին իրենց մատները:

— Վահա՛ն, դուն ըսէ նայիմ՝ ի՞նչ է Հրազդանը, — ըսաւ ուսուցիչը:

Վահանը ոտքի ելաւ եւ արագ պատասխանեց.

— Հրազդանն այս գիրքն է, որ մենք կը կարդանք:

— Այդ շիտակ է, բայց այդ շատ գիւրին պատասխան է: Ես ա՛յդ չէ որ կը հարցնեմ: Այս գիրքէն զատ ուրիշ ի՞նչ բանի անունն է Հրազդան, ո՞վ կրնայ ըսել, — նորէն հարցուց ուսուցիչը:

Այս անդամ միայն Անահիտը բարձրացուց իր մատը:

— Բսէ՛ նայիմ, Անահիտ:

— Հրազդանը գետ մըն է Հայաստանի մէջ, — պատասխանեց Անահիտը:


— Շատ ճիշդէ, Հրազդանը Հայաստանի գետերէն մէկն է: Հիմա ո՞վ կրնայ ըսել, թէ Հայաստանի ո՞ր քաղաքն է շինուած Հրազդանի ափին վրայ, — հարցուց ուսուցիչը:

Այս անդամ Գուրզէնը բարձրացուց իր մատը:

— Հիմա դուն ըսէ, նայիմ գիտե՞ս, — ըսաւ ուսուցիչը Գուրզէնին:

— Հրազդանի ափին վրայ շինուած է Երեւան քաղաքը, որ Հայաստանի մայրաքաղաքն է, — պատասխանեց Գուրզէնը:

— Շատ լաւ, շիտակ է: Հիմա ինծի մտիկ ըրէք, — ըսաւ ուսուցիչը: Երեւանէն գրեթէ յիսուն մղոն դէպի հիսուս, բարձր լեռներուն մէջ, կայ լիճ մը, անունը Սեւան:



Սեւանի նոր դուրս հոսած Հրազդանը

Սեւան լիճին ափերուն վրայ էան շատ գիւղեր, որոնցմէ մէկուն անունն է Յամաքաբերդ: Այդ գիւղին մօտիկը Սեւան լիճէն գուրս կը հոսի փոքրիկ վտակ մը: Այդ վտակը Հրազդանն է: Փոքրիկ Հրազդանը լեռներու եւ ձորերու մէջէն վազելով կը հոսի գէպի վար, գէպի գաշտը: Ճամբան ուրիշ շատ վտակներ եւ գետակներ երկու կողմէն կուղան եւ իր միանան Հրազդանին: Հրազդանը երթալով կը մեծնայ, եւ

Երբ կը հասնի Երեւան, ան արդէն բաւական խոշոր գետ
մը դարձած է: Հրազդան կ'անցնի Երեւանի մէջէն եւ ասլա
կը շարունակէ իր ճամբան դէպի ընդարձակ եւ դեղեցիկ
դաշտ մը, որուն անունն է Արարատեան Դաշտ: Այդ դաշտը
կը կոչուի Արարատեան Դաշտ, որովհետեւ անոր մէկ ծայրը
կը գտնուին երկու Արարատեան երը: Արարատեան Դաշտին
մէջ Հրազդանը կը միանայ Արաքս գետին:

Անահիտը, առանց մատը բարձրացնելու, աճապարան-
քով հարցուց.

— Այդ այն գետն է, որ «Մայր Արաքս» կը կոչուի,
պարոն ուսուցիչ:

— Այո՛, այդ «Մայր Արաքս»-ն է, — պատասխանեց ու-
սուցիչը եւ շաբունակեց. Երեւանին քով, Հրազդանի ափե-
րուն վրայ շինուած են քանի մը ելեքտրա-կայաններ: Այդ
ելեքտրա-կայանները լոյս կուտան Երեւանի տուներուն եւ
փողոցներուն, եւ ոյժ կուտան գործարաններուն ու արհես-
տանոցներուն: Հրազդանի ջուրերուն մէջ փոքրիկ, համեղ
ձուկեր կան: Հրազդանի ջուրով կ'ոռողութին Հրազդանի ա-
փերուն վրայ շինուած գիւղերուն դաշտերն ու այգիները:
Կը տեսնէ՞ք հիմա, թէ ո՛րքան կարեւոր է գիտնալ, թէ ի՞նչ
է Հրազդանը եւ ո՞ւր կը գտնուի ան: Յաջորդ դասին ա-
մէնքդ պիտի գիտնաք այս բոլորը:

Այդ վայրկեանին հնչեց գլորոցին զանգը եւ դասը լրա-
ցաւ: Աշակերտներն ուրախ ուրախ դուրս վազեցին խաղա-
լու:

Վատակ — պղտիկ վազող ջուր
Ոռողել — ջուրով թրջել, ջրել
Ելեքտրա-կայան — չէնք մը, ուր ելեքտրական ուժ կը
պատրաստեն

Յաջորդ — ետքէն դալիք:

ՎԱՐԺԱՐԱՆԸ

Դաշտը սիրուն է նախշուն բոյսերով
եւ անուշահոտ շատ ծաղիկներով,
իսկ վարժարանը նոյնքան սիրուն է
իր ուշիմ, խելօք, լաւ մանուկներով:

Սիրուն է ծառը կանաչ ճիւղերով,
Վրայէն կախուած շատ պտուղներով,
իսկ վարժարանը նոյնքան սիրուն է
իր աշխատասէր, բարի սաներով:

Ղ. ԱՂԱՅԵԱՆ

Սան — աշակերտ.

Ուշիմ — խելացի

Սանուհի — աշակերտուհի:

ՔԵՐԱԿԱՆՈՒԹԻՒՆ

Տառ կամ գիր:

Տառը կամ գիրը ունի ձեւ հնչիւն:

Գրելու համար տառը կը գծենք, իսկ կարդալու համար
տառը կը հնչենք:

ԳՅՅԼՆ ՈՒ ԱՐԹԻԻԾ

Ե՞լսեն թէ դայլն ու արծիւը շատ սուր աչքեր ունին եւ
կրնան շատ հեռուն տեսնել: Օր մը անոնք վէճի բռնուեցան,
թէ իրենցմէ ո՞րն է աւելի սրատես:

Դայլն ըստ:

— Ամպոտ օր մը ես ելայ բարձր լեռան մը դադաթը:
Ամպերու մէջէն վար նայեցայ եւ տեսայ, որ հեռուն, դաշտի
մը վարած արտին սեւ ակօսին մէջ նստած էր սեւ դառ-
նուկ մը:

Արծիւն ըստ:

— Օր մը ես երկինք բարձրացայ եւ վար նայեցայ ու
տան մը ծխնելոյզին մէջէն տեսայ, որ ներսը, կրակի վը-
րայ դրուած է կաթսայ մը, որուն բերանը ծածկուած էր
խուլիով: Խուլին ճեղքէն նայեցայ եւ տեսայ, որ կաթսային
մէջ կաթ կ'եփէր, իսկ կաթին երեսը ճերմակ մազ մը կար:

ՅՈՎՀ. ԹՈՒՄԱՆԵԱՆ

Վէճ — խօսքով կոիւ

Սրատես — լաւ տեսնող, հեռուն տեսնող

Արտ — կտոր մը հող, որ կը վարեն եւ կը ցանեն ցորեն
եւ ուրիշ հացահատիկներ

Ակօս — արտին մէջ գութանով փորած հողին շերտը

Ծխնելոյզ — վառարանին ծուխը տունէն գուրս հանելու
խողովակ

Կաթսայ — կերակուր եփելու մէտաղէ աման

Խուլի — կաթսային բերանը գոյցելու ծածկոց:

ՔԵՐԱԿԱՆՈՒԹԻՒՆ

Մենք արդէն գիտենք թէ հայ լեզուն ունի երեսունութ
տառ կամ գիր: Այդ երեսունութ տառերէն եօթը կը կոչուին
ձայնաւոր տառեր, իսկ մնացած երեսունմէկը կը կոչուին
բաղաձայն տառեր:

— Ո՞ւր կը վազես

Այգպէս արագ,

Այ իմ կայտառ,

Սիրուն գետակ,

Կեցի՛ր խաղանք

Սա ծառին տակ:

— Զէ՛, աղուորը,

Երթամ պիտի.

Տէ՛ս ջաղացը

Գիւղի մօտի,

Պէտք է ոյժ տամ,

Որ պըտըտի:

Վարն ալ, դաշտը

Ինձ կը սպասեն

Ծաղիկ ու խոտ

Անուշահոտ,

Ցողնա՛ծ, ծարաւ

Ոչխարն ու հօտ:

Դէ՛ս, կը տեսնե՞ս,

Մնաս բարով,

Ճամբաս լի է

Հազար գործով,

Դադար չունիմ

Ես մինչեւ ծով:

ՅՈՎՀ. ԹՈՒՄԱՆԵԱՆ

Կայտառ — ուրախ

Զաղաց կամ ջրաղաց — ցորենէն ալիւր շինելու գործա-
րան, որ ջուրով կը բանի:

ՓՈՔՐԻԿ ՏՈՒՆԿՐ ԵՒ ԿԱՂՆԻՆ

Փոքրիկ տունկ մը բուսեր էր անտառին եղը: Օդը պաղէր, իսկ փոքրիկ տունկի արմատին շուրջ հողը շատ կոշտէր: Փոքրիկ տունկը շատ դանդաղ կ'աճէր:

— Ինչո՞ւ չես աճապարեր եւ շուտ չես մեծնար,— հարցուց բարձր, զօրաւոր կաղնի մը, որ փոքրիկ տունկին քովնէր: Նայէ՛ մեղ եւ փորձէ մեծնալ ու ըլլալ բարձր ու գեղեցիկ ինձ եւ միւս ծառերուն պէս: Այն ատեն դուն ալ կ'ըլլաս մեր քոյրը:

— Ես կը ջանամ,— պատասխանեց փոքրիկ տունկը: Բայց ան չկրցաւ արագ մեծնալ, ուստի կաղնին օրօրեց իր ճիւղերը եւ ըստաւ.

— Դուն շատ դանդաղ կը շարժիս եւ ես այլեւս գործ չունիմ քեզ հետ:

* * *

Օր մը ագռաւ մը ոստոստելով եկաւ եւ կեցաւ փոքրիկ տունկին քով:

— Ինչո՞ւ դուն չես մեծնար, փոքրիկ տունկ,— հարցուց ագռաւը:

— Զե՞մ կրնար,— հառաչելով պատասխանեց փոքրիկ տունկը:

— Զե՞մ կրնար, չե՞մ կրնար,— կոնչեց ծեր ագռաւը: Ինչո՞ւ չես կրնար: Ես դիտեմ, թէ ի՞նչ է պատճառը, դուն ծոյլ ես, ծոյլ: — Զե՞ս կրնար, չե՞ս կրնար, չե՞ս կրնար, — հեղնեց ագռաւը եւ թուաւ հեռացաւ:

— Շիտակ կ'ըսէ ագռաւը, — ըստաւ հովը: Դուն պէտք է մեծնաս: Ես կ'օգնեմ քեզ որ մեծնաս. ո՞ւ-ո՞ւ-ո՞ւ...

Հովը փչեց, փչեց ու փչեց իր ամբողջ ուժով: Խեղճ, փոքրիկ տունկը քիչ մնաց որ կտրուէր իր արմատէն, բայց

նորէն չմեծցաւ: Բնդէակառակը, առկէ ետքը քանի մը օր ան գրեթէ չ'աճեց:

* * *

Օր մը արեւը գաղտուկ նայեցաւ բարձր ծառերու մէջէն եւ տեսաւ կոռքրիկ տունկը:

— Ինչո՞ւ չես մեծնար, պղտի՛կ, — հարցուց արեւը:

— Ան շատ դանդաղ է, — ըստաւ կաղնին:

— Ան շատ ծոյլ է, — ըստաւ ագռաւը:

— Ան չ'ուզեր փորձել, — ըստաւ հովը:

Փոքրիկ տունկը նայեցաւ արեւին բարի երեսը:

— Շիտակ կ'ըսէմ, որ ես կը փորձեմ. Ես կը ջանամ, բայց իմ արմատին շուրջը հողը այնքան կոշտ է եւ այնքան պաղ, որ ես չեմ կրնար աւելի արագ մեծնալ, — ըստաւ փոքրիկ տունկը:

— Խեղճ, փոքրիկ տունկ, — ըստաւ արեւը: Ես շատ կը մեղքնամ քեզ, քանի որ դիտեմ, թէ դուն փորձած ես մեծնալ: Ես կ'օգնեմ քեզ եւ իմ փոքրիկ եղբայրն, անձրեւը, նոյնպէս պիտի օգնէ: Դուն կ'օգնե՞ս, այնպէս չէ՞՝, եղբա՛յր անձրեւ:

— Անչուշտ կ'օգնեմ, — պատասխանեց անձրեւը: Դուն բարեկամի մը օգնութեան պէտքն ունիս: Միշտ վեր, ինծի՞նայէ, պղտի՛կ, եւ ուրախ եղիր:

Արեւը փայլեցաւ փոքրիկ տունկին վրայ եւ տաքցուց զինքը, իսկ անձրեւը կակղեցուց անոր արմատի շուրջին հովը: Փոքրիկ տունկը վեր բարձրացուց իր դէմքը, նայեցաւ արեւին եւ ուրախ ու երջանիկ եղաւ: Ան սկսաւ արագ արագ մեծնալ եւ շուտով դարձաւ անտառին ամենէն ադուր թմբի ծառը:

Տունկ — պղտիկ ծառ
Եզր — ծայր, վերջ

Զանալ — աշխատիլ

Ոստոստել — ցատկոտել, ցատկոտելով քալել

Կոնչել — կը՛ռ, կը՛ռ ձայն հանել

Հառաչել — ախ ու վախ ընել, տիտոր ձայն հանել

Հեղնել — մէկու մը վրան խնդալ:

ԳԻՒՂԻՆ ԳԻՇԵՐԸ

Լուսընկայ գիշեր,

Երկինքը պայծառ.

Անհամար աստղեր

Կը ցոլան վառ-վառ:

Քնացած է խոր

Հովտին մէջ գիւղը,

Մթնած ու լուռ է

Գիւղացու հիւղը:

ՅՈՎ. ՅՈՒՄԱՆԵԱՆ

Հիւղ — պղտիկ տուն:

ՔԵՐԱԿԱՆՈՒԹԻՒՆ

Զայնաւոր կը կոչուին այն տառերը, որոնք կրնանք եր-

կար հնչել, օրինակ՝

Ա՛. Ե՛. Է՛. Բ՛. Օ՛:

Բաղաձայն կը կոչուին այն տառերը, որոնք չենք կը բ-

նար երկար հնչել, առանց ձայնաւորի մը օգնութեան: Բա-

ղաձայն տառերը սովորաբար կը հնչուին «Բ» ձայնաւորի

օգնութեամբ, օրինակ՝ Բ. Գ. Դ. Զ. Թ.:

ԽՈՐԱՄԱՆԿ ԱՂՋԻՍԸ

Անդամ մը առիւծը, գայլը եւ աղուէսը բարեկամացան
եւ միասին որսի գացին:

Աշխատեցան եւ որսացին խոյ մը, ոչխար մր եւ գառ-
նուկ մը:

Երբ ճաշի ատենն եկաւ, առիւծը կանչեց գայլը եւ ը-
սաւ անոր, որ երեքին միջեւ բաժնէ բոնուած որսերը:

Գայլն ըսաւ առիւծին:

— Դուն բոլոր կենդանիներու թագաւորն ես, ուրեմն
մեծ խոյը քեզի, ոչխարն ինծի եւ պղտիկ գառնուկն ալ աղ-
ուէսին:

Առիւծը սաստիկ բարեկացաւ եւ այնպէս զարկաւ գայլի
գլխուն, որ գայլին աչքերը դուրս ելան:

Գայլը մէկ կողմ քաշուեցաւ եւ սկսաւ լալ:

Այն ատեն առիւծը կանչեց աղուէսը եւ ըսաւ անոր.

— Բաժնէ՛ այս որսերը մեր երեքին մէջ:

Աղուէսն ըսաւ.

— Ո՛վ թագաւոր, Աստուած արդէն բաժներ է այս որ-
սերը. խոյը քեզի՝ նախաճաշի համար, ոչխարը քեզի՝ ճաշի
համար, իսկ գառն ալ քեզի՝ ընթրիքի համար:

— Ա՛յ դուն խորամանկ աղուէս, ո՞վ սովորեցուց քեզ

այդպէս չխակալ բաժնել որսը, — հարցուց առիւծը:

— Գայլին կերած հարուածը եւ դուրս ելած աչքերը

սովորեցուցին ինծի, — պատասխանեց աղուէսը:

Վ. ԱՅԳԵՑԻ

Խորամանկ — ճարպիկ, խարող

Խոյ — արու ոչխար

Ընթրիք — երեկոյեան ճաշ:



Սարի լանջէն,
Մէգի մէջէն
Կը խոխոջէ
Ու կը կանչէ
Զուրը բարակ,
Զուրը տխուր.
— Վաշ-վիշ, վաշ-վիշ,
Ո՞ւր կորան, ո՞ւր,

Արեւ ու խոտ,
Վաղողը շաղոտ
Սարուորն ուրախ
Սրինդ ու խաղ:
Շուրջըս պարապ,
Շուրջըս տխուր,
Վաշ-վիշ, վաշ-վիշ,
Ո՞ւր կորան, ո՞ւր:

ՅՈՎՀ. ԹՈՒՄԱՆԵԱՆ

Լանջ — կուրծք
Խոխոջել — վաղող ջուրի պէս ձայն հանել
Մէգ — մշուշ, մառախուղ
Շաղ (շաղոտ) — ծաղիկներու եւ կանաչներու վրայ
առտուան թացութիւնը, ջուրի կաթիլները
Սրինդ — փչելով նուազելու դործիք:

ՔԱԶ ԶԻՆՈՒՈՐԸ

Պատերազմ էր:

Թշնամին յարձակեր էր մեր հայրենիքին վրայ:
Ամէն կողմէ առողջ, ուժեղ եւ երիտասարդ մարդիկ
կ'երթային պաշտպանելու հայրենիքը: Ով որ կրնար զէնք
գործածել, կ'աճապարէր երթալ եւ գառնալ զինուոր:
Երիտասարդ մը, որուն մէկ ոտքը կաղ էր, գնաց եւ
ինդրեց որ զինք եւս զինուոր առնեն:

Հոն կեցած առողջ զինուորները, երբ տեսան կաղ երի-
տասարդը, սկսան խնդալ անոր վրայ:

— Ինչո՞ւ կը խնդաք, — հարցուց կաղը:
— Կը խնդանք, որովհետեւ քեզ պէս մէկը չի կրնար
զինուոր ըլլալ, — պատասխանեցին զինուորները:
— Ինչո՞ւ չի կրնար, — կրկին հարցուց կաղ երիտա-
սարդը:
— Որովհետեւ, երբ թշնամին գայ, դուն քու կաղ ոտ-
քով պիտ իչկրնաս փախչիլ, — պատասխանեցին զինուոր-
ները:

Այս անդամ կաղ երիտասարդը սկսաւ քահ քահ խնդալ:
Զինուորները զարմացած անոր նայեցան:
— Դո՞ւն ինչու կը խնդաս, — հարցուցին անոնք:
— Ես կը խնդամ ձեզ նման զինուորներու վրայ: Ու-
րեմն դուք կ'երթաք պատերազմի թշնամիէն փախչելո՞ւ
համար, հա՞: Իսկ ես կ'երթամ հոն կենալու եւ կռուելու
համար թշնամիին գէմ, — պատասխանեց կաղ երիտա-
սարդը:

Վ. ԱՅԳԵՑԻ




ԴՊՐՈՑԻ ՃԱՄԲԱՆ

Զմեռուան բուքին, սառնամանիքին
Դպրոցի ճամբան
Դժուա՞ր է, երկա՞ր՝ շատերուն համար:
Զուարթ գարունքին, ծաղկին ու երգին
Դպրոցի ճամբան կարճ է, հաճելի ամենուն համար:
Իսկ երբ սէր ունի մէկը ուսումի,
Դպրոցի ճամբան
Միշտ կարճ է, սիրուն, ձմեռ թէ գարուն:

Բուք — ձմեռ ատեն ձիւնախառն պաղ հով
Զուարթ — ուրախ:

ՔԵՐԱԿԱՆՈՒԹԻՒՆ

Բառերը ունին վանկեր: Վանկ կը կոչուին քանի մը տառեր, որոնք մէկ շունչով կը հնչուին. օրինակ՝ մարդ, տառ, գիր, վայտ, քար, մատիտ, կատու, սեղան, դասարան, գլաւակ:



ՍԵՒԱՆԻ ՎԱՆՔԵՐԸ

ԻՆՉԻՆ ՄԵԶ Է ՈՅԺԸ

Ճատ հին ատեն թագաւոր մը կար: Ան քաջ, իմաստուն եւ արդար մարդ էր: Ան ունէր տասներկու որդիներ:

Երբ թագաւորը ծերացաւ, սկսաւ խորհիլ, թէ կրնայ շուտով մեռնիլ: Ան ուզեց հասկնալ, թէ իր որդիներէն ո՞րն է ամենէն խելացին, որպէսզի իր թագը անոր տայ:

Օր մը թագաւորը կանչեց իր ծառաներէն մէկը եւ հրամայեց անոր.

— Գնա՛, ծառերուն դալար ճիւղերէն քանի մը ճպոտներ կտրէ՛, խուրձ մը կապէց եւ բերաւ դրաւ թագաւորին առջեւ: Այն ատեն թագաւորը հրամայեց ծառային, որ իր մօտ կանչէ իր բոլոր որդիները:

Երբ որդիներն եկան, հայրը անոնց ցոյց տուաւ ճպոտներու խուրձը եւ ըստաւ.

— Ես շատ ծերացեր եմ եւ կրնամ շուտով մեռնիլ: Մեռնիլէ առաջ ես կ'ուզեմ իմ թագը տալ ձեզմէ անոր, որ ամենէն խելացին է: Կը տեսնէ՞ք այս ճպոտներու խուրձը: Ձեզմէ ան, որ կրնայ կոտրել այս խուրձը, կը ստանայ իմ թագը եւ ինձմէ ետքը կ'ըլլայ թագաւոր:

Թագաւորին մեծ որդին մօտեցաւ, վերցուց խուրձը եւ իր ամբողջ ոյժով աշխատեցաւ կոտրել զայն, բայց չկրցաւ:

Երկրորդ որդին ալ փորձեց. ան ալ չկրցաւ կոտրել: Անկէ ետքը եկաւ երբորդ որդին, փորձեց կոտրել, բայց ան ալ չկրցաւ: Յետոյ փորձեց չորրորդ որդին, ապա հինգերորդը, վեցերորդը, եօթերորդը եւ այսպէս ամէնքն ալ փորձեցին, բայց չկրցին կոտրել: Մնաց միայն կրտսեր որդին:

Երբ հերթը հասաւ կրտսեր որդուն, ան վերցուց ճը-պոտներուն խուրձը, քակեց կապերը, իրարմէ գատեց ճը-պոտները եւ մէկիկ-մէկիկ կոտրեց բոլորը:

— Ապրիս, զաւակս, դուն արժանի ես իմ թագին եւ գահին, — ըսաւ թագաւորը, գրկեց իր ամենքն փոքր որդին եւ համբուրեց անոր ճակատը:

Ետքը թագաւորը դարձաւ իր միւս որդիներուն եւ ըսաւ անոնց.

— Տեսա՞ք, զաւակներս, ձեզմէ ոչ մէկը կրցաւ կոտրել այս խուրձը: Զեր կրտսեր եղբայրը իր խելքով կրցաւ ընել այն, ինչ որ դուք չկրցիք ընել ոյժով: Երբեք չնախանձիք ձեր փոքր եղբօր փառքին: Սիրեցէք դէնքը եւ անոր հետ միասին գործեցէք: Եթէ միասին ըլլաք, այնպէս զօրաւոր կ'ըլլաք, որ ոչ ոք կընայ յաղթել ձեզ: Իսկ եթէ բաժնուիք իրարմէ, մէկիկ մէկիկ կը կոտրուիք այս ճպոտներուն աչս:

Հ. ԱՂԱՅԵԱՆ

Իմաստուն — շատ խելացի
Դալար — կանաչ, թարմ
Ճլպոտ — բարակ ճիւղ
Խուրձ — փունջ, կապոց
Կրտսեր — ամենէն պղտիկը:

ՔԵՐԱԿԱՆՈՒԹԻՒՆ

Բառերը կընան ունենալ մէկ, երկու, երեք, չորս եւ աւելի վանկեր:

Բոլէ՛ բառ մը որ մէկ վանկ ունենայ, բառ մը՝ որ երկու վանկեր ունենայ: Երեք, չորս եւ հինգ վանկեր ունեցող բառեր ըսէ:

ԱՇԽԱՆ ՎԵՐԶԸ

Ո՞ւր է շրջիւնը խիտ անտառներու,
Ո՞ւր է մըմունջը վազող ջուրերու,
Ո՞ւր է շրջուկը վառ ծաղիկներու
Ու սոսափիւնը բիւր տերեւներու:
Մերկ են ծառերը, ալ չունին տերեւ,
Ալ չկայ պայծառ, չողշողուն արեւ,
Զմրան վերմակը սպիտակ ու սառ
Ծածկեր է պարտէզ, անտառ, ձոր ու սար:
Աւ պա՛զ, սառոյցէ վերմակներու տակ
Լոեր են աղբիւր, ե՛ւ դաշտ, ե՛ւ վտակ.
Մենակ չար հողմը կը ոռնայ անվերջ,
Ամէն ինչ առած ճերմակ մէզի մէջ:

Շրջիւն — խշտոց, տերեւներու ձայն
Խիտ — շատ եւ իրարու սղմած
Մըմունջ — մեղմ, տխուր ձայն
Շշուկ — պղտիկ ձայն
Սոսափիւն — հովին շարժումէն տերեւներու հանած
ձայնը
Բիւր — շատ շատ
Ոռնալ — գայլերու, չուներու եւ ասոնց նման կենդա-
նիներու գէշ ձայն հանելը:

ՔԵՐԱԿԱՆՈՒԹԻՒՆ

Տառերով կամ գիրերով կը կաղմէնք բառեր. օրինակ՝
Ա-ը-ա-մ, որ կ'ըլլայ Ալբամ. տ-ու-ն՝ տուն, մ-ա-տ՝ մտա,
մ-ա-տ-իտ՝ մատիտ:

ՎԱՅՐԵՆԻՒՆ ՈՒ ՆԱՄԱԿԸ

Եւրոպացիները գացեր էին վայրենիներու երկերը, ագարակներ շիներ էին եւ իրենց քով կ'աշխատցնէին սեւամորթ տեղացիները:

Անդամ մը ագարակի տէր մը ուղեց զամբիւղ մը նարինջ դրկել իր մէկ բարեկամին, որ կը բնակէր հեռաւոր ագարակի մը մէջ: Ագարակատէրը նարինջներով լեցուն զամբիւղը նամակի մը հետ միասին տուաւ իր սեւամորթ ծառային, որ տանի:

Ճամբան երկար էր եւ օրն ալ տաք: Վայրենին չդիմացաւ ծարաւին եւ նարինջներէն քանի մը հատը կերաւ:

Ծառային տիրոջ բարեկամը զամբիւղը ստացաւ թէ չէ, նամակը կարդաց եւ համբեց նարինջները:

— Հինդ հատ նարինջ պակաս է, ճամբան կերեր ես,— ըստ սեւամորթին բարկացած կերպով:

— Ինչէ՞ն գիտցար, — հարցուց վայրենին զարմացած:

— ԱՌ, այս թուղթը կ'ըսէ:

— ԱՋԴ ճերմա՞կը:

— ԱՋՌ:

Վայրենին խկոյն խլեց նամակը, մօտեցուց ականջին, քիչ մը սպասեց եւ ապա տարակուսանքով նետեց գետին ու ըստ:

— Հապա ինչո՞ւ ինծի բան մը չըսեր:

* * *

Քանի մը ամիս ետքը ագարակատէրը չորս շիշ գինի

եւ նամակ մը յանձնեց նոյն վայրենին, որ նորէն տանի իր բարեկամին:

Ճամբան վայրենին ուղեց անպատճառ գինին համը տեսնել, բայց կը վախնար ձեռքը բոնած «ճերմակէն», որ չըլլայ թէ նորէն իմաց տայ: Խորհեցաւ քիչ մը, ապա սկսաւ ուրախ ուրախ ցատկուածել: Միջոցը գտեր էր:

Ամայի տեղ մը համելուն պէս, հանեց նամակը, դրաւ խոչոր քարի մը տակ, չորցած տերեւներ լեցուց վրան, որ չըլլայ թէ նամակը ծակէ մը նայի: Ինքն ալ այնտեղէն բաւական հեռացաւ, նստաւ թուփի մը տակ, բացաւ շիշերէն մէկը եւ անուշ ըրաւ: Ուրախութիւն եկաւ վրան, սկսաւ երգել, պարել, ետքն ալ պառկեցաւ ու լաւ մը քնացաւ:

Քունն առնելին յետոյ արթնցաւ, ցատկեցաւ ոտքի, վերցուց գինիին շիշերը, հանեց նամակը քարին տակէն եւ աճապարեց գէպի իր տիրոջ բարեկամին ագարակը:

«ԱՌ հիմա թող ճերմակն ըսէ, տեսնեմ ի՞նչ պիտի ըսէ», կը խորհէր սեւամորթը ինքնիրենը եւ քթին տակէն կը խնդար:

* * *

Տեղը համելուն պէս, իր տիրոջ բարեկամը երբ կարդաց նամակը, հաշուեց շիշերը եւ վայրացած պոռաց սեւամորթի երեսին.

— Ճերմակ գինիէն շիշ մը խմեր ես նորէն, անպիտա՞ն:

Վայրենին այդ լսեց թէ չէ, ճգեց ու փախաւ: Գնաց իր ցեղակիցներուն մօտ եւ սարսափած պատմեց, թէ սպիտակամորթներն ունին կաշիի նման ճերմակ բան մը, որ ամէն

ինչ կը տեսնէ, ամէն ինչ կը լսէ, ամէն ինչ կ'իմանայ ու
կը պատմէ սպիտակամորթներուն, բայց սեւամորթներուն
բան մը չըսեր:

Զամբիւղ — ծառի ճիւղերէ կամ բոյսերու ցօղուններէ
զործուած աման

Տարակուսանք — բանի մը չհաւատալը, բանէ մը կաս-
կածիլը

Աժայի — տեղ մը ուր մարդ չկայ

Յեղ — իրարու ազգական եւ միասին ապրող մարդոց
խումբ մը:

ՔԵՐԱԿԱՆՈՒԹԻՒՆ

Երկու վանկեր ունեցող բառերը կը կոչուին երկվանկ,
երեք վանկեր ունեցող բառերը կը կոչուին եռավանկ եւ
այլն: Մէկէ աւելի վանկեր ունեցող բառերը կ'ըսուին նաեւ
բազմավանկ: Բազմավանկ ըսել է շատ վանկեր ունեցող:

Խ Ր Ա Տ

Ինչ կ'ընես ըրէ՛, որդի,
Չար ընկերի հետ մի՛ ըլլար.
Ինչ կ'ընես ըրէ՛, որդի՝
Լաւ ընկերէ ետ մի՛ մնար:

ԶՄՐԱՆ ԵՐԵԿՈՅ

Ի՞նչ լաւ է, տղա՛ք,
Սենեակին մէջ տաք
Նստեր էք շարքով
Զեր մայրիկին քով:

Միտքերըդ լարած
Ժպտուն, ուշադիր
Հէքիաթ կը լսէք
Դուք հետաքրքիր:

Դուրսը՝ փոթորիկ,
Զիւն, ձմեռ, մըրիկ...
Ի՞նչ լաւ է, տղա՛ք,
Տունին մէջ ձեր տաք:

Բայց գիտէ՞ք, արդեօք,
Մանուկներ անհոգ,
Քիչերուն Աստուած
Զեր բախտն է տուած:

Կան շա՛տ մանուկներ
Անտուն ու անտէր,
Անհայր ու անմայր,
Անօթի՛, թշուառ:

Երբ մեծնաք, տղա՛ք,
Չըլլայ թէ մոռնաք
Գթալ անտէրը,
Միրել որբերը:

Մըրիկ — զօրաւոր հով
Թշուառ — խեղճ, դժբախտ
Գթալ — մեղքնալ:

ԳԳՈՒԱՆՔԻ ԿԱՐՈՑ

Քաղաքի հեռաւոր մէկ թաղին մէջ կար որբանոց մը:

Օր մը որբանոցի ընդարձակ պարտէզին ներս մտայ:

Որբ տղաքը կը խաղային պարտէզին մէջ: Ծառի մը տակ,
միւս տղաներէն հեռու կեցած էր գանդրահեր, կարմրա-
թուշիկ մանուկ մը: Այնքան աղուոր դէմք ունէր, որ ես մօ-
տեցայ իրեն եւ անուշութիւնով հարցուցի.

— Անունդ ի՞նչ է, պղտիկ:

— Լեւոն, — պատասխանեց պղտիկ տղան եւ աւելցուց.

«Ես եօթ տարեկան եմ, ո՛չ հայր ունիմ, ո՛չ մայր: Ա-
սոր համար զիս որբանոց բերեր են»:

Ես մտերմութեամբ շոյեցի անոր գլուխը եւ մտայ որ-
բանոց:

«Խեղճ երեխայ», խորհեցայ ես:

* * *

Քիչ վերջը, երբ կը վերադառնայի նոյն պարտէզին մի-
ջով, յանկարծ զգացի, որ մէկը կը քաշէ թեւէս:

Ետ նայեցայ եւ տեսայ միեւնոյն փոքրիկ տղան:

— Ի՞նչ է, սիրելիս, — հարցուցի ես:

— Ես կ'ուզեմ... ըսաւ ու կեցաւ:

— Ի՞նչ կ'ուզես, ըսէ՛, — քաջալերեցի ես զինքը:

— Կ'ուզեմ որ համբուրես զիս...

— Համբուրէ՞մ քեղ, — զարմացած հարցուցի ես:

— Այո՛, — ըսաւ ան վար նայելով, — զիս գեռ ոչ ոք
համբուրած է, ոչ ո՛ք...

ՍՏ. ԼԻՍԻՑԵԱՆ

Գդուանք, գդուել — փայփայել, շոյել, սիրել

Գանդրահեր — զանդուր մազերով

Գանդուր — ոլոր, գոուղ

Մտերմութեամբ — բարեկամի պէս:

ԱԶԱՏՈՒԱԾ ԹՌՉՆԻԿԸ

Երէկ բացի ես դռնակը վանդակի,
Որուն ներսը աղուոր թունիկն էր փակուած,
Անոր տուի աղատութիւն բաղձալի,
Իսկ դաշտերուն երգիչն իրենց կորսուած:

Սլացաւ ան, սուզուեցաւ գիրկն երկնքի,
Արշալոյսի շողերուն մէջ լուսավառ,
Երգեց անուշ, առած նոր շունչ, նոր հոգի
Կարծես երգեց ու աղօթեց ինձ համար:

Փակուած, փակել — գոցել

Բաղձալի, բաղձալ — ցանկալ, սիրել, ուղել

Սլանալ — արագ երթալ, արագ թուչիլ

Սուզուիլ — մէջը մանել:

ՔԵՐԱԿԱՆՈՒԹԻՒՆ

Վանկ մը անպայման պէտք է ունենայ ձայնաւոր մը:
Առանց ձայնաւորի վանկ չենք կրնար կազմել: Եթէ ոեւէ
բառ բաժնենք վանկերու, ամէն մէկ վանկին մէջ ձայնա-
ւոր մը կը դտնենք. օրինակ՝

Ա-րաքս, Ա-րա-րատ, Ե-րեւան, Հայ-աս-տան:

ՀԱՅԿ ԵՒ ԲԵԼ

Մեզմէ շատ, շատ դարեր առաջ հարուստ եւ տաք երկրի մը մէջ կ'ապրէին երկու իշխաններ։ Անոնցմէ մէկուն անունն էր Բէլ, միւսի անունը՝ Հայկ։

Բէլը շատ բարձրահասակ եւ զօրաւոր մարդ էր։ Ան կ'ուզէր որ ամէն մարդ ծառայ ըլլար իրեն, ան կ'ուզէր ամէնուն վրայ իշխան ըլլալ։

Հայկը Բէլին չափ խոշոր եւ զօրաւոր չէր, բայց շատ քաջ մարդ էր։

Հայկը չէր ուզեր Բէլին ծառայ ըլլալ, Հայկը չէր ուզեր որ ուրիշ մէկը իրեն վրայ իշխէր։ Հայկը կ'ուզէր ազատ սպարիլ։ Ատոր համար ան խորհեցաւ հեռանալ Բէլի քովէն։

Հայկը ժողվեց իր որդիները, իր թոռներն ու ծառաները եւ հեռացաւ Բէլի երկրէն։

Շատ օրեր քալելէ ետքը, Հայկը իր մարդոց հետ հասաւ բարձր լեռներով երկիր մը, ուրտեղ շատ գետեր եւ լիճեր կային։


Հայկը շատ սիրեց այդ երկիրը եւ որոշեց հոն բնակիլ։ Ան շինեց քաղաք մը եւ անունը դրաւ Հայկաշէն։

* * *

Երբ որ Բէլը լսեց թէ Հայկը ձգեր եւ հեռու երկիր մը գացեր է, երկու սուրհանդակներ ուղարկեց Հայկին քով եւ ըսաւ։

— Ինչո՞ւ ձգեցիր իմ երկիրը եւ հեռացար։ Ես լսեր եմ, որ քու գացած տեղը լեռնոտ եւ ցուրտ է։ Դուն գիտես, որ իմ երկիրը տաք, գեղեցիկ եւ հարուստ է։ Յե՛տ ելուր իմ երկիրը եւ իմ քովն ապրէ։

Հայկը լսեց Բէլին սուրհանդակներուն խօսքերը եւ պատասխանեց։



— Գացէ՛ք եւ ըսէք Բէլին, որ ես կը նախընտրեմ այս ցուրտ եւ լեռնոտ երկրին մէջ ԱԶԱՏ ԱՊՐԻԼ, քան թէ Բէլի հարուստ եւ տաք երկրին մէջ ապրիլ եւ ԱՆՈՒՐ ԳԵՐԻՆ ԸԼ-ԱՍԼ։

Բէլին սուրհանդակները վերադարձան եւ պատմեցին Հայկին ըսածները։

Բէլը երբ լսեց Հայկին պատասխանը, սաստիկ բարկացաւ եւ ըսաւ։

— Հայկն ո՞վ է, որ չուզեր իմ խօսքս մտիկ ընել, չուզեր գալ քովս։ Լա՛ւ, եթէ այդպէս է, ես ինքս կ'երթամ եւ ուժով կը բերեմ զինքը։

* * *

Բէլը հրամայեց, որ իր զինուորները պատրաստուին եւ ըսաւ անոնց։


— Պիտի երթանք Հայկին դէմ կուռելու։

Երբ Հայկն իմացաւ, թէ Բէլն իր զօրքով կուգայ, կանչեց իր որդիները, թոռները եւ իր բոլոր մարդիկը եւ ըսաւ

անոնց.

— Բէլը կուգայ մեզ իրեն գերի ընելու: Մենք ազատ մարդիկ ենք եւ ոչ ոք կրնայ մեզ իրեն ծառայ ընել: Ճիշդէ, Բէլին զինուորները շատ են, բայց մենք կը յաղթենք իրենց: Քաջ ըլլանք եւ լաւ կոռւինք:

Հայկն իր մարդոց հետ դուրս ելաւ կոռւելու Բէլին դէմ:



Թէ եւ Բէլի զինուորները շատ էին, բայց Հայկը եւ իր զինուորները շատ քաջ կոռւեցան, որովհետեւ անոնք կը կոռւէին իրենց հայրենիքի եւ իրենց ազատութեան համար:

Օր մը ամբողջ կոռւեցան Հայկին եւ Բէլին զօրքերը, եւ երկու կողմէն ալ շատ կոռւողներ սպաննուեցան: Երբ որ Բէլը տեսաւ, թէ իր զինուորները չեն կրնար յաղթել Հայկի փոքրաթիւ բանակին, ինքն առաջ անցաւ եւ ուղեց յարձակիւ Հայկին վրայ: Հայկը նետուեցաւ դէպի թշնամին, լարեց իր մեծ աղեղը եւ ամբողջ ուժով արձակեց իր նետը: Հայկին նետը թռաւ եւ ուղղակի մտաւ Բէլին կուրծքը:



Բէլն ինկաւ երեսին վրայ եւ մեռաւ:

Երբ Բէլին զինուորները տեսան, որ իրենց իշխանը սպաննուեցաւ, այլ եւս չկրցին կոռւիլ, գետին նետեցին իրենց զէնքերն ու փախան:

Հայկն ու իր զինուորները հալածեցին Բէլին զօրքերը եւ դուրս քշեցին իրենց երկրէն:

Հայկը հրամայեց, որ սպաննուած Բէլին մարմինը տանին եւ բարձր տեղ մը թաղեն:

Հայկը Բէլին ինկած տեղին անունը դրաւ Գերեզմանք:

Ատկէ ետք Հայկը իր զաւակներով եւ թոռներով հանդիստ ապրեցաւ իր երկրին մէջ:

Հայկի երկիրը կոչուեցաւ ՀԱՅԱՍՏԱՆ:

Դար — Հարիւր տարի

Սուրհանդակ — լուր տանող, լուր բերող

Լարել — քաշել

Աղեղ եւ նետ — շատ հին ատենուան զէնք:

ՄԵՐ ՀԱՅՐԵՆԻՔ

Մեր հայրենիք շղթաներով
Այսքան տարի կապկապուած,
Իւր քաջ որդոց սուրբ արիւնով
Պիտի լինի ազատուած:

Ահա, եղբա՛յր, քեզ մի դրօչ,
Որ իմ ձեռքով գործեցի,
Գիշելները ևս քուն չեղայ
Արտասուքով լուացի:

Նայի՛ր նորան, երեք գոյնով
Նուիրական մեր նշան,
Թող փողփողի թշնամու դէմ,
Թող կործանուի Տաճկաստան:

Ամենայն տեղ մահը մի է,
Մարդ մի անգամ պիտ մեռնի,
Բայց երանի որ իւր ազգի
Ազատութեան կը զոհուի:

Մ. ՆԱԼԲԱՆԴԵԱՆ

Նուիրական — թանկագին, սիրելի, սուրբ
Փողփողիլ — ծածանիլ, հովին շարժիլ
Զոհուիլ — մեռնիլ բանի մը կամ մէկու մը համար:

ՓԱԽՍՏԱԿԱՆ ԵՐԳԻՉՆԵՐ

Մարդուն մէկը էշ մը ունէր:
Էշը շատ աշխատեր էր իր տիրով համար, բայց հիմա
որ ծերացեր էր, այլ եւս չէր կրնար առաջուան պէս բեռ
տանիլ:

Ասոր համար տէրն իրեն շատ խոտ չէր տար եւ կը մտա-
ծէր սպաննել:

Էշը համկցաւ իր գլխուն գալիքը, փախաւ տունէն ու
ճամբայ ելաւ քաղաք երթալու:

— Երթամ քաղաք եւ հոն երգիչ դառնամ, — ըստ էշն
ինքն իրեն:

* * *

Երբ էշը քիչ մը հեռացաւ իր տիրով տունէն, ճամբուն
վրայ որսի շուն մը տեսաւ: Շունը բերանը կը բանար ու կը
դոցէր եւ շունչ առնել չէր կրնար:

— Շուն աղբար, ինչո՞ւ շունչդ կտրուեր է, ի՞նչ ես ե-
ղեր, — հարցուց էշը:

— Ա՛խ, ես ծերացեր եմ, այլ եւս որսի չեմ կրնար եր-
թալ: Ասոր համար տէրն ուղեց սպաննել զիս, ես ալ փա-
խայ եկայ հոս: Չեմ գիտեր ի՞նչպէս պիտի ուտելու հաց
գտնեմ, — գանգատեցաւ շունը:

— Ես քաղաք կ'երթամ ու հոն երգիչ պիտի դառնամ:
Եկուր միսսին երթանք, դուն ալ թմբուկ կը նուագես, — ը-
ստւ էշը:

Շունը համաձայնեցաւ եւ ընկերացաւ էշին:

* * *

Էշն ու շունը ճամբան տեսան կատու մը, որ տիսուր
նստած էր:

— Ի՞նչ կ'ընես, կատու քոյրիկ, — հարցուց էշը:
— Ի՞նչ ընեմ, ծերացեր եմ, ակուաներս թափեր են, ալ
չեմ կրնար մուկ բռնել: Տանտիկինս խորհեցաւ խեղդել զիս:
Ես ալ ձգեցի տունն ու փախայ, հիմա չեմ գիտեր, ո՞վ պի-
տի ինծի ուտելիք տայ, — պատասխանեց կատուն:
Էշն ու շունն ըսին.

— Մենք քաղաք կ'երթանք երդիչ դառնալու, դուն ալ
մեզ հետ եկուր:
կատուն համաձայնեցաւ եւ միացաւ անոնց:

* * *

Փախստականները պարտէզի մը առջեւէն անցնելու ա-
տեն, տեսան աքլոր մը, որ բոլոր ոյժով կը կանչէր:
Էշը հարցուց.

— Ինչո՞ւ այդպէս կը պոռաս, աքլոր աղբար, ցաւդ
ի՞նչ է:

— Կ'ուզես գիտնալ, թէ ցաւս ի՞նչ է: Վաղը կիրակի է,
մեր տունը հիւրեր պիտի գան: Տանտիկինս պատուիրեց
ծառային, որ այս իրիկուն գլուխս կտրէ եւ վաղը զիս տապ-
կէ հիւրերուն համար: Ահա թէ ինչո՞ւ խենթի պէս կը պո-
ռամ, — պատասխանեց աքլորը:

— Օ՛, հոգ մ'ըներ, — ըսաւ էշը: Եկուր մեզ հետ քաղաք
երթանք, երդիչ դառնանք: Դուն անուշ ձայն ունիս, ինչո՞ւ
պիտի մեռնիս: Հոն մենք ամէնքս ալ հաց կը գտնենք:

Աքլորը համաձայնեցաւ եւ միացաւ իրենց:

* * *

Փախստականները մէկ օրէն քաղաք չկրցան հասնիլ:
Առաջին գիշերը ուղեցին անտառի մը մէջ քնանալ: Էշը
եւ շունը պառկեցան ծառի մը տակ, կատուն ճիւղի մը վրայ
ելաւ, իսկ աքլորը թառեցաւ ծառի կատարին:

36

Աքլորը գեռ իր աչքերը դոցած չէր, երբ հեռուն լոյս
մը տեսաւ եւ ըսաւ իր ընկերներուն.
— Լոյս մը կը տեսնեմ, հոնտեղ տուն մը ըլլալու է:
— Ուրեմն այդ տունը երթանք, — ըսաւ էշը:
Ամէնքը մէկ ճամբայ ելան: Մեր երդիչները հասան
տունի մը առջեւ: Դուն մի՛ ըսեր այդ աւազակներու տունն է
եղեր:

Էշը պատուհանէն ներս նայեցաւ:

— Ի՞նչ կը տեսնես, էշ աղբար, — հարցուց աքլորը:
— Սեղան մը կը տեսնեմ, վրան լեցուն ուտելիք եւ խը-
մելիք: Աւազակները նստած են սեղանին շուրջը, կ'ուտեն
ու կը խմեն: Ա՛խ, ի՞նչ լաւ կ'ըլլար մէյ մը ներս մանէինք:

* * *

Խորհուրդ ըրին կենդանիները, թէ ինչպէս ներս մըտ-
նեն:

Էշը կեցաւ պատուհանին տակ: Շունն ելաւ էշին կըո-
նակը, կատուն ելաւ շան վրայ, աքաղաղն ալ թառեցաւ կա-
տուին վրայ:

Ամէնքը միասին սկսան երդել՝ էշը զռաց, շունը հաջեց,
կատուն մլաւեց, աքլորը կանչեց՝ կու-կուլի-կո՛ւ: Վերջը
ամէնքը մէկ պատուհանէն ներս թափեցան ապակիները
ջարդ ու փշուր ընելով:

Աւազակները այդ աղմուկէն սարսափած, տունէն
դուրս նետուեցան եւ փախան անտառը: Կենդանիները բոլո-
րեցան սեղանին շուրջը եւ լաւ կերան, կշացան: Վերջը
լոյսը մարեցին, որ պառկին քնանալու:

Էշը պառկեցաւ աղբանոցին վրայ, շունը դուռին առ-
ջեւ, կատուն պառկեցաւ խոհանոցին օճախին մոխիրին վը-

37

բայ: Իսկ աքլորը թառեցաւ առաստաղէն կախած ճրագին
վրայ:

* * *

Կէս գիշերին աւազակները տեսան, որ լոյսը մարած է
ու ձայն չի գար իրենց տունէն: Աւազակապետը զրկեց աւա-
զակ մը, որ երթայ եւ տեսնէ, թէ ի՞նչ կայ իրենց տունին
մէջ:

Աւազակը երբ տեսաւ, որ ներսէն ձայն չի գար, մտաւ
խոհանոցը լոյս վառելու: Տեսաւ մոխիրին վրայ նստած
կատուին փայլուն աչքերը եւ խորհեցաւ թէ կրակ է: Մօտե-
ցուց լուցկին, որ վառէ: Կատուն անմիջապէս ցատկեց ա-
նոր երեսին եւ ճանկուտեց իր սուրճիրաններով: Աւազակը
վախէն փախաւ դէպի դուռը: Հոն չան պոչին վրայ կոխեց:
Շունը վեր ցատկեց եւ խածաւ անոր ոտքը: Աւազակը վա-
զեց դէպի աղբանոցը եւ հոն ալ զարնուեցաւ էշին: Էշը ոտքի
ելաւ եւ զօրաւոր կից մը տուաւ աւազակին: Աքլորն աղմու-
իէն արթնցաւ եւ վերէն կանչեց՝ կու-կուլի-կո՛ւ:

* * *

Աւազակը սարսափած դուրս նետուեցաւ տունէն եւ վա-
ղելով գնաց իր պետին քով ու պատմեց.

— Մեր տունին մէջ կայ վիշապ մը, որ իր սուրճիրան-
ներով երեսս ճանկեց: Դուռին առջեւ պառկած է մարդ մը,
Ճեռքը սուր դանակ մը: Ան ալ զարկաւ իր դանակով եւ
ոտքս վիրաւորեց: Աղբանոցին վրայ պառկած էր սեւ հրէշ
մը, ան ալ խոշոր փայտով զարկաւ ինծի: Իսկ տանիքին վը-
րայ նստած էր դատաւորը, որ պոռաց. «բոնեցէ՛ք աւազա-
կը»: Ալ չգիտցայ, թէ ինչպէս փախայ. անգամ մըն ալ հոն
չեմ երթար:

Աւազակները այս որ լսեցին, ձգեցին ու հեռացան այդ

տեղէն, իսկ մեր երգիչները մնացին հոն եւ հանգիստ ապ-
րեցան:

ՄԱՐԶՊԵՏ

Կատար — ըանի մը ամենէն բարձր տեղը
Ճիրան — գաղանի կամ թոչունի ճանկ, սուր եղունգ
Վիշապ — շատ մեծ օձ, կամ օձի նման մարմին ունե-
ցող կենդանի

Հրէշ — այլանդակ, անձունի կենդանի:

ԵՐԲ ԱՇՈՒՆ ԸԼԼԱՅ

Ծաղիկները քուն կը մտնեն, երբ աշուն ըլլայ,
կանաչները լուռ կը թօշնին, երբ աշուն ըլլայ,
Աղբիւրները մարդարտաշիթ՝ երբ ճմեռ ըլլայ,
Ալ չեն կանչեր, չեն կարկաչեր՝ ինչպէս հիմա:

Գ. ՄԱՐԵԱՆ

Թօշնիլ — թուռմիլ, թուլնալ, թարմութիւնը կորսնցնել
Մարդարիտ — թանկագին քար, գարդի համար
Շիթ — կաթիլ
Կարկաչել — ջուրի նման ձայն հանել:

ՔԵՐԱԿԱՆՈՒԹԻՒՆ

Բառերուն վերջը երբեք և չենք գրեր, այլ միշտ կը գը-
րենք և, օրինակ՝ Ավրիկէ, Հուկումէ, գրէ՛, վաղէ՛, ցատ-
կէ՛:

ՄՐԱՄԻՏՏ ՀՈՎԻԻԼ

Մեղմէ քանի մը հարիւր տարի առաջ շատ զօրաւոր եւ շատ բարեւարոս թագաւոր մը կար, անունը Լէնկթէմուր:

Լէնկթէմուրը թաթարներու թագաւորն էր: Թաթարները վայրենի ժողովուրդ էին: Անոնք չէին աշխատեր եւ տեղ մը չէին բնակեր: Անոնք միշտ տեղէ տեղ կը թափառէին, կ'երթային ուրիշներու երկիրները, աւազակներունման կը կողովտէին ուրիշներու հարստութիւնը եւ կ'ապրէին: Ահա այս վայրենի թաթարներու թագաւորն էր Լէնկթէմուրը:

Լէնկթէմուրը շատ երկիրներ դրաւելէ եւ կողովտելէ վերջը եկաւ հասաւ Հայաստան:

Հայաստանի մէջ Լէնկթէմուրի զօրքերը ճամբար դարէին հայ գիւղի մը քով:

Ամառ ատեն էր:

Օր մը Լէնկթէմուրը ուղեց մինակը պտոյտի երթալ: Դուրս ելաւ իր վրանէն եւ քալեց դէպի հայ գիւղին դաշտը: Հոն, դաշտին մէջ, հայ տղայ մը իր կովը կ'արածեցնէր:

Լէնկթէմուրը մօտեցաւ հովիւն եւ ըսաւ.

— Տղա՛ս, շատ ծարաւ եմ, կովուդ կաթէն քիչ մը տուր, խմեմ:

— Բարեկա՛մ, ես կը տեսնեմ որ դուն զարմանալի մարդ ես: Եթէ ծարաւ ես, ահա՛, հո՛ն է աղբիւրը, գնա՛ եւ ջուր խմէ: Ծարաւ մարդը ջուր կը խմէ եւ ոչ թէ կաթ, — պատասխանեց հովիւրը:

Լէնկթէմուրը խնդաց եւ ըսաւ.

— Շիտակ կ'ըսես, սակայն այս վայրկեանիս սիրտս կաթ կ'ուզէ: չըլլա՞ր որ քիչ մը կաթ տաս խնծի:

— Իմ կովը կաթ չունի: Քու գալէն քիչ մը առաջ կովս

գիւղ տարի, կթեցին եւ յետ բերի: Հիմա եթէ դուն այդչափ կը փափաքիս կաթ խմել, պէտք է որ իմ կովուն հոգ տանիս, մինչեւ որ ես երթամ գիւղ եւ քեզ համար կաթ բերեմ, — ըսաւ հովիւր:

Լէնկթէմուրը առաւ տղու ձեռքէն կովուն չուանը եւ սկսաւ արածեցնել, իսկ հովիւր վազելով գնաց գիւղ:

* * *

Շատ չանցած տղան վերադարձաւ եւ կաւէ ամանով կաթ բերաւ Լէնկթէմուրին համար:

Լէնկթէմուրը կաթը խմեց եւ ապա ըսաւ հովիւն.

— Դուն զիս չես ճանչնար, սակայն, քու կովը ձգեցիր իմ քով ու գացիր. դուն չվախցա՞ր, որ ես կընայի տանիւ կովդ:

— Ո՛չ, ինչո՞ւ պիտի վախնայի: Կը տեսնե՞ս, այն բլուրին վրայ զարնուած են Լէնկթէմուր թագաւորին զօրքերուն վրանները: Եթէ դուն իմ կովը գողնայիր, ես կ'երթայի Լէնկթէմուրին քով եւ կ'ըսէի. «Թագաւոր՝ քու զինուորներէն մին գողցեր է իմ կովը. կը խնդրե՞մ, հրամայէ՛, որ յետ տան իմ կովը», — պատասխանեց հովիւր տղան:

— Իսկ եթէ թագաւորը ըսէր թէ, կովը մի՛ տաք եւ հովիւն ալ ծեծեցէ՛ք ու վոնտեցէ՛ք, այն ատեն ի՞նչ կ'ընէիր, — հարցուց Լէնկթէմուրը:

— Այն ատեն ես կ'ըսէի Լէնկթէմուրին. «Մե՛ծ թագաւոր, կ'ըսեն թէ, աշխարհին կէսը քուկդ է: Այդքան հարըստութիւն չի՞ բաւեր քեզ, որ հիմա իմ կովը կ'ուզես խել ձեռքէս», — պատասխանեց հովիւր տղան:

* * *

Լէնկթէմուրը շատ սիրեց տղու խելացի խօսքերը եւ

ուզեց աւելի երկար խօսիլ անոր հետ։ Այդ պատճառով նորէն հարցուց տղուն։

— Ես լսած եմ, որ ձեր բոլոր գիւղացիները գացած են Լէնկթէմուրը տեսնելու։ Դուն ալ կ'ուզէի՞ր Լէնկթէմուրը տեսնել։

— Ի՞նչ պէտք ունիմ Լէնկթէմուրը տեսնելու։ Կ'ըսեն թէ ան շատ չար մարդ է։ Ես որբ տղայ մըն եմ։ Հայրս մեռած է, իսկ մայրս հիւանդ պառկած է տունը։ Եթէ ես երթամ, այն ատեն ո՞վ պիտի արածեցնէ իմ կովը, — պատասխանեց փոքրիկ հովիւր։

— Իսկ եթէ Լէնկթէմուրը ինքը հոս գայ, դուն ի՞նչ կ'ընես, ինչո՞վ կը հիւրասիրես զինքը, — կրկին հարցուց Լէնկթէմուրը։

— Աղբիւրէն պաղ ջուր կը բերեմ իրեն համար, ուրինգ կը նուագեմ եւ հէքիաթ կը պատմեմ, — պատասխանեց հովիւր։

— Իսկ այդ ամենուն համար դուն ի՞նչ կը ինդրես Լէնկթէմուրէն, — հարցուց Լէնկթէմուրը։

— Եթէ ան իրա՛ւ թագաւոր է, պէտք է որ նուէր մը տայ ինծի, — պատասխանեց տղան։

— Ապրի՛ս, որամի՛տ հովիւր, ահա՛ քեզի նուէր մը. Լէնկթէմուրը ե՛ս եմ, — ըստ Լէնկթէմուրը եւ երեք ոսկի տուաւ հովիւրն։

Հովիւր սաստիկ վախցաւ եւ սկսաւ լալ։

— Ինչո՞ւ կուլսս, տղա՛ս, — հարցուց Լէնկթիմուրը։

— Տէ՛ր թագաւոր, երբ ես տուն երթամ եւ ըսեմ մօրս, թէ թագաւորը ինծի միայն երեք ոսկի տուաւ, մայրս պիտի չհաւատայ։ Ան կրնայ նոյնիսկ ծեծել զիս եւ ըսել. «Թագաւորը չէր կրնար այդքան պղտիկ նուէր տալ քեզի,

միայն երեք ոսկի։ Ան քեզի շատ ոսկիներ տուած է, իսկ դուն պահեր ես եւ կը խարես զիս», — ըստ հովիւր։

Լէնկթէմուրը շատ հաւանեցաւ հովիւրին ըսածներուն, բոնեց, համբուրեց տղուն ճակատը եւ բուռ մը լեցուն ոսկի տուաւ անոր։

Տղան ուրախացաւ, գրպանը լեցուց ոսկիները եւ կաթին կաւէ ամանը տուաւ Լէնկթէմուրին ու ըստ։

— Տէ՛ր թագաւոր, ես ալ այս կաւէ ամանը կուտամ նուէր քեզի քու ըրածին համար։ Զէ՞ որ, երբ ես գացի գիւղը կաթ բերելու, դուն իմ կովը պահեցիր մինչեւ իմ վերադրածը։

Լէնկթէմուրը այնչափ գոհ մնաց հովիւրին սրամիտ խօսքերէն, որ երբ վերադարձաւ իր բանակը, հրամայեց որ զինուորները վնաս չտան հովիւրի գիւղին։

Հ. ԱՃԵՄԵԱՆ

Բարբարոս — վայրենի, անգութ
Ճամբար — զօրքերու հանգստանալու տեղ, սովորաբար
բաց օդի մէջ, վրաններու տակ
Բանակ — զօրք
Պարան — չուան
Վրան — լաթէ շինուած շարժական տնակ
Կաւ — թաց հող
Կաւէ աման — հողէ շինուած աման։

ՄԱՐՏԸ

Աս խենթ ամսուն մարտ կ'ըսեն,
Հանդիսա չունինք երեսէն.
Այսօր արեւ, մեղմ օրիկ,
Վաղը՝ որոտ, փոթորիկ:

Առառուն կանուխ պայծառ օդ,
Ճաշին մութ է, անձրեւոտ.
Օր մը ի՞նչ պաղ, օր մը տաք
Հոս բա՛ց, իսկ հոն ամպին տակ.
Հո՛ս կը խնդայ, հո՛ն կուլայ,
Ասանկ ալ խենթ բա՞ն կ'ըլլայ:

ՅՈՎՀ. ԹՈՒՄԱՆԵԱՆ

Որոտ կ'ըսենք շատ զօրաւոր ձայնին, օրինակ, թնդա-
նօթի ձայնին կ'ըսենք թնդանօթի որոտ. երբ կայծակը
դարնէ, կ'ըսենք երկինք կ'որոտայ:

Ի՞նչ ըսել է՝ «Հոս բա՛ց, իսկ հոն ամպին տակ»:

ՔԵՐԱԿԱՆՈՒԹԻՒՆ

Բառերուն մէջ և եւ և տառերը միեւնոյն ձեւով կը հըն-
չենք. օրինակ՝ մէկ, մէծ, սէր, սէր, տէր, դէր, երէկ, ե-
րէք:

ԱՐԱՐԱՏ

Արարատը Հայաստանի ամենէն բարձր եւ ամենէն գեղեցիկ լեռն է:

Արարատը մէկ լեռ չէ, այլ երկուք:

Երկու Արարատներէն մէկը մեծ է, իսկ միւսը փոքր, այդ պատճառով մէկը կը կոչուի Մեծ Արարատ, իսկ միւսը՝ Փոքր Արարատ:

Արարատը երկու անուն ունի՝ Արարատ եւ Մասիս: Մեծ Արարատը կ'ըսուի նաեւ Մեծ Մասիս, իսկ Փոքր Արարատը՝ Փոքր Մասիս: Հայ ժողովուրդը երկու Արարատներուն Սիսու Մասիս անունն ալ կուտայ, Սիս կ'ըսեն Փոքր Արարատին, իսկ Մասիս՝ Մեծ Արարատին:

Երկու Արարատները կեցած են քով քովի, շատ մօտիկ իրարու: Մեծ Արարատին բարձրութիւնն է տասնեօթ հազար ոտք, իսկ Փոքր Արարատի բարձրութիւնը տասներեք հազար ոտք:

Փոքր Արարատին վրայ միայն ձմեռը ձիւն կայ: Իսկ Մեծ Արարատին կատարը թէ ձմեռը, թէ ամառը միշտ ծածկուած է ձիւնով: Երբ օդը պայծառ է եւ արեւը կը փայլի, Մեծ Արարատին կատարի ձիւնն ալ կը փայլի արծաթի ունչ:

Մեծ Արարատը միշտ հանդարտ չէ: Ան երբեմն կը բարկանայ, կը սկսի որոտալ, ծուխ եւ փոշի կ'ելեն իր ձեղքերէն եւ տաք լաւայ կը վաղէ իր կողերէն: Երբ Արարատը այդպէս բարկանայ, Հայաստանի մէջ երկրաշարժ կ'ըլլայ եւ Արարատին շուրջ գիւղեր ու քաղաքներ կը կործանին: Շատ, շատ հին ատենները այդպիսի երկրաշարժեր եղած են Արարատին շուրջը, բայց հիմա Արարատը հանդարտ է եւ իր քովերը երկրաշարժ չըլլար:

1920 թուին թուրքերը յարձակեցան Հայաստանի վրայ
եւ խլեցին Հայաստանի հողերուն մէկ մասը եւ երկու Արա-
րատները։ Արարատները այժմ հայերուն ձեռքը չեն։

Հայերը շատ կը սիրեն Արարատը, որ քանի մը հազար
տարիներ պատկանած է հայերուն։ Այդ պատճառով ամէն
հայ կ'ուզէ եւ կը հաւատայ, որ Արարատը օր մը նորէն պի-
տի պատկանի Հայաստանին։

Կատար — ամենէն բարձր տեղը, գաղաթը
Կործանել — քանդել, աւրել։

ԹՌՉՈՒՆՆ ՈՒ ՈՐՍՈՐԴԸ

Թռչուն մը կար այն ծառին,
Ծի՛ւ, ծի՛ւ կ'երդէր այն ծառին.
Որսորդ մը կար չար, դաժան...
Թռչուն չկայ ա՛լ ծառին։

ՔԵՐԱԿԱՆՈՒԹԻՒՆ

Օ եւ ո ձայնաւորները բառերուն մէջը կը հնչուին միեւ-
նոյն ձեւով, օրինակ՝ օրիորդ, դպրոց, փողոց, օրօր, Ա-
ռոտ, կարօտ, արօր։

ՀԱՅՐԵՆԻՔ

Երբ որ ըլլայ գարնանամուտ, նոր գարուն,
կը բազմանան վտակներդ, հայրենի՛ք,
0'ղդ սիրուն, ջո՛ւրդ սիրուն, դո՛ւն սիրուն,
Ծաղիկներդ պէս-պէս գոյնով, հայրենի՛ք։

Մարդիկ կուզան քու սարերը ման գալու,
Որսորդի պէս եղնիկներդ որսալու,
Հազար ու մէկ աղբիւրներդ կալմնահամ
Դուն դրա՛խտ ես, եղեմական հայրենի՛ք։

ԱՇՈՒՂ ԶԻՒԱՆԻ

Գարնանամուտ — գարնան սկիզբը
Բազմանան — շատնան
Վտակ — վտոքիկ գետակ
Պէս-պէս — տարբեր տարբեր, զանազան
Ման գալ — պտոյտի երթալ
Դրախտ — այն մեծ եւ հարուստ պարտէզը, ուրտեղ Ա-
դամ եւ Եւան բնակեցան
Եղեմական — դրախտի նման։

ՔԵՐԱԿԱՆՈՒԹԻՒՆ

Բառերուն սկիզբը ե տառը և կը հնչենք, իսկ ե տառը և
կը հնչենք։ Օրինակ՝ Եղիշէ, Էջմիածին, Երեխայ, Էշ։

ԵՐԿԱԹԷ ԹՌՉՈՒՆԸ

Արծիւ մը շիներ էր իր բոյնը բարձր լեռան մը կատարը:

Ոչ մէկ թռչուն կրնար մօտենալ անոր բոյնին: Ոչ մէկ թռչուն կրնար անոր չափ արագ թռիլ, ոչ մէկ թռչուն կրնար անկէ բարձր թռիլ:

Երբ օդը պայծառ էր, արծիւը կը բանար իր հզօր թերը եւ կը սաւառնէր լեռներու կատարներէն վեր, ամպերէն ալ վեր:

Վարը, լեռան ստորոտը թռչուններով լեցուն անտառ մը կար: Հոն կային բաղէներ, աղաւնիներ, թութակներ, սարեակներ եւ փոքրիկ ճնճղուկներ: Ալ ի՞նչ տեսակ թռչուններ ըսես չկային հոն:

Երբ արծիւը իր թեւերը լայն բացած կը սաւառնէր անտառին վրայէն, բոլոր թռչունները կը պահուըտէին իրենց բոյններուն մէջ կամ ծառերուն տերեւններուն տակ, մինչեւ որ արծիւը հեռանար:

«Ոչ ոք կրնայ հասնիլ իմ բարձրութեանը, ոչ ոք կրնայ ինծի պէս թռիլ ամպերու վերերէն», — կը խորհէր արծիւը:

* * *

Օր մը, երբ արծիւը որսէն վերադաշներ էր ու նստած էր իր բոյնին մէջ, յանկարծ աղմուկ մը լսեց իր գլխուն վերը: Արծիւը վեր նայեցաւ եւ տեսաւ հսկայ թռչուն մը, որ կ'անցնէր վերէն:

Արծիւը երբե՛ք այդչափ խոշոր թռչուն տեսած չէր:

«Ի՞նչ թռչուն է աս, ուրկէ՞ եկեր է եւ ի՞նչպէս կը համարձակի ինձմէ աւելի բարձր թռիլ», — խորհեցաւ արծիւ-

ը, բացաւ իր թեւերը, սլացաւ անծանօթ թռչունին ետեւէն եւ շուտով հասաւ անոր:



Անծանօթ թռչունը խոշոր, լայն թեւեր ունէր եւ երկար պոչ, իսկ կտուցով բռնած էր բան մը, որ արագ արագ կը դառնար: Տարօրինակ թռչունը ամպի որոտի պէս ձայն կը հանէր եւ առաջ կը սլանար:

Արծիւը զայրացաւ եւ յարձակեցաւ անծանօթ թռչունին վրայ: Իր հզօր թեւերով զարկաւ անոր պոչին, կտուցով եւ մագիլներով աշխատեցաւ բզկտել անոր թեւերը, բայց ի զուր: Անծանօթ թռչունի մարմինը երկաթի պէս ամուր էր եւ արծիւը միայն իր թեւերն ու մագիլները ցաւցուց ու արիւնեց: Հսկայ թռչունին հոգը չէր, ան առանց յետ նայելու կը շարունակէր իր թռիչքը:

Ալ աւելի զայրացաւ, կատղեցաւ արծիւը:

«Հիմա ա՛լ պիտի չազատի իմ ձեռքէն. իմ սուր կտուցով

Եր աչքերը պիտի հանեմ եւ մագիլներովս գլուխը փշրեմ»,
— խորհեցաւ արծիւը, ժողվեց իր թեւերուն բոլոր ոյժը, ա-
ռաջ անցաւ եւ դիմացէն յարձակեցաւ նորեկին վրայ:

Բայց հազիւ թէ երկուքը մօտեցեր էին իրարու, երբ
անծանօթ թուչունի կտուցին մէջ արագ արագ գարձող ա-
նիւը զարկաւ արծիւին, ճեղքեց անոր գլուխը, փշրեց մէկ
թէւը եւ արծիւն ինկաւ գետին ու մեռաւ:

Եւ չհասկցաւ թուչուններու թագաւոր արծիւը, թէ ո՞վ
էր այդ անծանօթ, հսկայ թուչունը, որ իրմէ աւելի զօրաւոր
էր եւ իրմէ աւելի բարձր ու աւելի արագ կը թուչէր:

Սաւառնիւ — վերէն թուչիւ
Ստորոտ — լեռան կամ բլուրի վարի մասը
Հսկայ — շատ մեծ
Մագիլներ — թուչուններուն ճանկերը
Բզկտել — պատուտել
Զայրանալ — բարկանալ
Նորեկ — նոր եկած:

ՀԱՆԵԼՈՒԿ

Ան ի՞նչ է՝
Մայրս սաւան մը ունի՝ ծալլել չի կրնար, հայրս դրամ
ունի՝ համրել չի կրնար:

ԾԻԾԵՌԻՆ

Դուն կապուտակ ծովո'վ եկուր,
Թեթե՛ւ, թեթե՛ւ թեւո'վ եկուր,
Ծովուն փրփուր լանջո'վ եկուր,
Ուրախ երգ ու կանչո'վ եկուր:

Եկո'ւր, եկո'ւր սիրուն ծիծեռ,
Եկո'ւր եւ մեզ գարունը բեր:

Ծիծեռնակո'վ գարուն կուգայ,
Առանց ծիծեռ գարուն չկայ,
Ծովուն փրփուր լանջո'վ եկուր,
Գարնան շունչով, կանչո'վ եկուր:

Եկո'ւր, եկո'ւր, սիրուն ծիծեռ
Եկո'ւր ու մեզ գարունը բեր:

ԱԹ. ԽՆԿՈՅՑԵԱՆ

Ծիծեռ, ծիծառ եւ ծիծեռնակ միեւնոյն թուչունի ա-
նուններն են:

Լանջ՝ կուրծք ըսել է:

ՔԵՐԱԿԱՆՈՒԹԻՒՆ

Օ տառը միշտ կը հնչուի օ՝ ըլլայ բառին սկիզբը, մէջը
թէ վերջը. օրինակ՝ օր, օրօր, Մաքօ, Մարօ:

ՃՆՃՂՈՒԿԻՆ ՄԱՀԸ

Սուրէնենց տան շուրջը պարտէզ մը կար: Պարտէզին խոշոր ծառերէն մէկը ճիշդ Սուրէնի սենեակին պատուհանին առջեւն էր: Ծառին ճիւղերուն մէջ փոքրիկ, սիրուն ճնճղուկ մը շիներ էր իր բոյնը:

Ամէն առաւօտ կանուխ, արեւը ծագելէ առաջ, փոքրիկ ճնճղուկը կ'արթննար, կը թափահարէր իր թեւերը եւ կը թուչէր, կ'երթար իրեն համար կերակուր գտնելու: Կերակուր գտնելէ ետքը փոքրիկ ճնճղուկը ետ կուղար եւ ամբողջ օրը կը թուղիուէր ծառին ճիւղերուն վրայ ու կ'երգէր:

Երեկոյեան, երբ արեւը մայր կը մտնէր, ճնճղուկը իր փոքրիկ գլուխը կը պահէր թեւին տակ, կը կծկուէր ու կը քնանար:

Սուրէնը աղէկ կը ճանչնար այդ պղտիկ, սիրուն թուչնիկը: Դասերը սովորելու ատեն Սուրէնը իր պատուհանէն միշտ կը տեսնէր այդ ճնճղուկը, որ կը խաղար իր ընկերներուն հետ:

Սուրէնը շատ կ'ուղէր բռնել այդ փոքրիկ ճնճղուկը, փայփայել զայն իր ձեռքերուն մէջ, շոյել անոր աղուորիկ փետուրները:

Բայց ի՞նչպէս բռնէր: Ճնճղուկը միշտ իր ծառին վրայ էր եւ երբեք չէր մօտենար Սուրէնի պատուհանին:

* * *

Օր մը, Սուրէնը տեսաւ բաղէ մը, որ կը սաւառնէր իրենց պարտէզին վրայ: Մէյ մըն ալ, յանկարծ, բաղէն սլացաւ դէպի վար, դէպի այն ծառը, որուն վրայ փոքրիկ ճնճղուկն էր: Ճնճղուկը տեսաւ բաղէն եւ վախէն ասդին անդին նետուեցաւ աղատուելու համար բաղէին ճանկերէն:

Թուչնիկը տեսաւ Սուրէնի սենեակին բաց պատուհանը եւ արագ ներս թուաւ սենեակը:

Սուրէնը ցատկեց իր տեղէն, աճապարանքով դոցեց պատուհանը եւ երկար չարչարուելէ ետքը, վերջապէս բըռնեց ճնճղուկը:

Խեղճ թուչնիկը կը հեւար, կը թրպրտար Սուրէնի ձեռքիրուն մէջ եւ կ'ուղէր աղատիլ:

Սուրէնը, ճնճղուկն ամուր բռնած, վաղեց իր մայրիկին սենեակը:

— Մայրիկ, մայրիկ, տես ինչ աղուոր ճնճղուկ մը բռներ եմ: Գիտե՞ս, մայրիկ, անիկա բաղէն վախցաւ, թուաւ, մտաւ սենեակս եւ ես բռնեցի զինքը, — ըսաւ Սուրէնը:

— Լոէ՛, գաւա՛կս, ի զուր ես բռներ այդ թուչնիկը. տե՛ս, ինչպէս կը հեւայ, ինչպէս կը դողայ: Ան կը վախնայ քեզմէ, ձգէ՛, աղատ ձգէ, որ թոփ, երթայ, — ըսաւ մայրը:

— Ո՛չ, չե՛մ ձգեր, մայրիկ, ան իմս է: Ես այնպէ՛ս լաւ կը պահեմ, կը կերակը եւ կը խնամեմ զինքը: Ան շատ դոհ պիտի ըլլայ իմ քովս, — կը պնդէր Սուրէնը:

— Սուրէն, տղա՛ս, ան աղատութիւն կը սիրէ, որ չափ ալ դուն սիրես եւ հոգ տանիս, ան դժբախտ պիտի ըլլայ փակուած սենեակին մէջ: Ձգէ՛, ձգէ՛ տղաս, որ թոփ երթայ, — կը համոզէր մայրիկը Սուրէնին:

— Ես երկար, շատ երկար թել մը կը կապեմ անոր ոտքէն եւ աղատ կը ձգեմ որ թոփ, խաղայ, որքան որ կ'ուղէ: Խոկ վերջը կը քաշեմ թելը, կը բռնեմ զինքը եւ քովս կը բերեմ: Ես լաւ, շատ լաւ պիտի պահեմ թուչնիկը, ա՛յ, կը տեսնես, մայրիկ, — ըսաւ Սուրէնը եւ դուրս վաղեց մայրիկին սենեակին:


* * *

Քիչ ետքը Սուրէնը երկար թել մը կապեց ճնճղուկին

ոտքէն եւ տարաւ պարտէղ ու բաց թողուց : Ճնճղուկը զգաց որ ազատ է եւ իսկոյն թռաւ, բարձրացաւ օդին մէջ, բայց շատ հեռուն երթալ չկրցաւ : Սուրէնը քաշեց թելը եւ խեղճ թռչնիկը ինկաւ խոտերուն մէջ, ծւծւաց եւ թրպրտաց :

Սուրէնը նորէն բաց թողուց թելը, ճնճղուկը նորէն թռաւ, խորհելով թէ ազատ է, բայց Սուրէնը կրկին քաշեց թելը եւ յետ բերաւ ճնճղուկը : Սուրէնը երկար ատեն այսպէս խաղաց ճնճղուկին հետ :

Անգամ մըն ալ, երբ Սուրէնը թողուց որ ճնճղուկը թռի, յանկարծ թելին ծայրը դուրս ելաւ իր ճեռքէն եւ ճնճղուկը թռաւ ու նստաւ ծառին վրայ :



Այժմ թռչնիկը իրաւ ազատ էր եւ Սուրէնը այլ եւս չէր կրնար բռնել զայն :

Սուրէնը բարկացած քար մը վերցուց եւ նետեց ճնճղուկին : Ճնճղուկը թափահարեց իր թեւերը, ուղեց թռի,

բայց չկրցաւ : Անոր ոտքէն կապած թելը փաթթուեր էր ծառի ճիւղերուն եւ խեղճ թռչնիկը չէր կրնար ազատիլ : Ան նորէն ուղեց թռի, բայց դարձեալ չկրցաւ, այլ գլխիվայր կախուեցաւ ճիւղէն :

Ճնճղուկը կը ծւծւար, կը թրպրտար, կը փորձէր ազատիլ, բայց ի զուր...

Շատ չարչարուեցաւ խեղճ թռչնիկը, վերջը յոգնեցաւ եւ մնաց ճիւղէն կախուած :

Հովը կ'օրբէր զինքը :

Սուրէնը ինչ ընելը չէր գիտեր : Ծառը շատ բարձր էր, եւ Սուրէնը չէր կրնար ելլել ծառին վրայ : Կ'ուղէր օգնութեան կանչել իր մայրը, բայց կ'ամչնար եւ կը վախնար :

Թռչնիկը հոն, վերը կը ծւծւար, կը թրպրտար, բայց չէր կրնար ազատիլ թելէն : Ան քանի մը անգամ դարձեալ ծւծւաց, օրբեցաւ օդին մէջ եւ ապա մնաց անշարժ կախուած :

Սուրէնը նստաւ ծառին տակ եւ լացաւ :

* * *

Արդէն երեկոյ էր, բայց Սուրէնը դեռ նստած էր ծառին տակ :

— Սուրէն, Սուրէն, ուշ է արդէն, տուն եկուր, — կանչեց մայրը պատուհանէն :

Սուրէնը ոտքի ելաւ եւ տուն գնաց :

— Ի՞նչ ըրիր ճնճղուկդ, — հարցուց մայրը :

— Զեռքէս թռաւ եւ փախաւ, — պատասխանեց Սուրէնը :

— Ի՞նչ լաւ բան է եղեր... Ատո՞ր համար տիսրեր ես : Ան աւելի երջանիկ կ'ըլլայ ազատութեան մէջ : Եթէ դուն զինքը վանդակին մէջ պահէիր, ան չա՛տ, շատ դժբախտ պիտի ըլլար, — ըստա մայրը :

Այդ գիշեր Սուրէնը երկար ատեն չկրցաւ քնանալ : Ծա-

ոէն կախուած ձնձղուկը միշտ իր աչքին առջեւն էր: Վերջապէս քունը տարաւ:

Երազին մէջ դարձեալ տեսաւ ձնձղուկը, որ օդին մէջ կախուած կ'օրրուէր հովէն:

* * *

Յաջորդ առառ Սուրէնը կանուխ արթնցաւ, չուտ մը հագուեցաւ եւ իջաւ պարտէզ:

Սուրէնը կը քալէր եւ կը խորհէր: — «Ա՛խ, ի՞նչ լաւ պիտի ըլլար, եթէ ձնձղուկը դիշերը ազատուած եւ թուած, գացած ըլլար»:

Այսպէս խորհելով Սուրէնը մօտեցաւ ծառին, վեր նայեցաւ եւ բարձր ճիչ մը արձակեց: Թունիկը հոն էր, նոյն տեղը, գլխիվայր կախուած ճիւղէն, բայց այլ եւս չէր շարժէր, չէր ծւծւար: Ան մեռած էր:

Սուրէնը նստաւ ծառին տակ, դէմքը ծածկեց երկու ձեռքերով եւ սկսաւ բարձրածայն հեկեկալ:

— Սուրէն չա՛ն, ինչո՞ւ կուլաս, — հարցուց մայրը, որ տղուն ետեւէն պարտէզ իջեր էր:

Պատասխանի փոխարէն, Սուրէնը ձեռքերը հեռացուց դէմքէն, եւ մատով ցոյց տուաւ փոքրիկ ձնձղուկին մարմինը, որ ճիւղէն կախուած կ'օրրուէր հովէն:

Մայրը վեր նայեցաւ եւ հասկցաւ թէ ինչ էր պատահեր:

— Սուրէն, զաւա՛կս, ես չըսի՞ քեզի, թէ ազատ ձգէ ձնձղուկը, — ըստ մայրը:

— Ա՛լ չեմ ըներ, ալ երբե՛ք, երբե՛ք ատանկ բան չեմ ըներ, — կ'ըսէր Սուրէնը լալով:

Բարձր սանդուխսք մը դրին եւ մայրը ծառին վրայէն վար առաւ փոքրիկ թունիկին մարմինը: Յետոյ պղտիկ փոս մը փորեցին եւ թունիկը թաղեցին այն ծառին տակ, որուն վրայ ան բոյն էր շիներ եւ ամէն օր կ'երգէր:

Ատկէ ետք Սուրէնը երկար ատեն չէր կրնար մոռնալ այն աղուոր, պղտիկ ձնձղուկը:

Ո. ԱՀԱՐՈՆԵԱՆ

Թափահարել — արագ արագ շարժել

Բազէ — խոշոր թուչուն մը, որ պղտիկ թուչունները կ'որսայ եւ կ'ուտէ

Աճապարանքով — շատ արագ

Թրպլատալ — ցնցուիլ, դողդոալ

Ծւծւալ — ծիւ, ծիւ ձայն հանել

Յաջորդ օրը — միւս օրը

Ճիչ — բարձր, սուր ձայն:

ՀԱՆԵԼՈՒԿ

Ան ի՞նչ է՝

Զեռքս առնեմ՝ կուլայ,

Վար դնեմ՝ կը քնանայ:

ԾԻԾԵՌՆԻԿ

Մարտն անցաւ, հասաւ Ապրիլ գեղեցիկ,
Հեռու աշխարհէ եկաւ ծիծեռնիկ.
Դուն բարով եկար, գարնան կարապետ
Բոյն շինողներէն ամենէն վարպետ:

Կոռոնկը թռա՛ւ, գնա՛ց վերերէն,
Սոխակն ալ փախաւ մեր պարտէզներէն,
Մէկ դուն մնացիր ճնճղուկներուն հետ,
Սիրո՛ւն ծիծեռնակ, գարնան կարապե՛տ:

Պատուհանիս մօտ շինէ՛ քու բոյնը,
Անուշ երգերով երգէ գարունը,
Չո՞ւ ածէ, հանէ՛ գեղեցիկ ձագեր,
Բնակէ՛ մեր մօտ մինչեւ Սեպտեմբեր:

ԳԱՄԱԽ ՔԱԹԻՊԱ.

Կարապետ — լուր բերող, ճամբայ բացող
Կոռոնկ — վայրի թռչուն մը
Սոխակ — գիշերը երգող փոքրիկ թռչուն
Չու — հաւկիթ:

ԱՆՁՆԱԶՈՀ ՏՂԱՆ

Քանի մը օր էր, որ անդադար անձրեւ կուգար: Փոքրիկ
վտակները մէկ մէկ հեղեղ էին դարձեր եւ փրփրալով կատ-
ղած վար կը հոսէին լեռներէն:

Երկաթուղիի գիծին մօտիկ տնակի մը մէջ կը խաղային
չորս տղաներ: Չորսն ալ գրեթէ տարեկից էին, տասէն
տասներկու տարեկան:

— Սաքօ՛, — ըսաւ տղաներէն մէկը, — Եթէ քաջ տղայ
ես, գնա՛ եւ կեցիր երկաթագիծերուն մէջտեղը: Քիչ վերջը
ճեպընթացը պիտի գայ եւ անցնի:

— Ինչո՞ւ կենամ, — պատասխանեց Սաքօն, — բան ու
գործու հատե՞ր է:

— Է՛հ, վախկո՛տ, եւ դեռ կը պարծենաս թէ ամէնքէս
քաջն ես:

Եւ երեք ընկերները սկսան ծաղրել Սաքօն:

Քիչ ետքը երեք տղաները դուրս ելան տնակէն, տես-
նելու, թէ ի՞նչպէս պիտի անցնէր ճեպընթացը:

Սաքօն ձայն տուաւ անոնց ետեւէն.

— Աւելի լաւ է ներսը կենաք, ի դուր տեղը պիտի թրջը-
ւիք:

* * *

Հազիւ քանի մը վայրկեան էր անցեր, երբ յանկարծ
տղաները սարսափահար կանչեցին դուրսէն.

— Սաքօ՛, Սաքօ՛:

Սաքօն դուրս վազեց եւ իսկոյն նկատեց, որ քիչ մը հե-
ռուն գտնուող կամուրջը սկսեր է փլել: Քիչ վերջը ճեպըն-
թաց գնացքը պիտի դար անցնելու այդ կամուրջին վրայէն:

— Ճեղընթացը անդունդը պիտի գլորուի եւ խորտակ-
ուի, — ըսաւ տղաներէն մին:

— Պէտք է շուտով միջոց մը խորհիլ փրկելու համար
ճեղընթացը, — բացականչեց Սաքօն: Քանի՞ վայրկեանէն
կարելի է հասնիլ կայարանը:

— Կէս ժամէն. այստեղէն կարձ ճամբով գրեթէ երեք
մղոն է, — ըսաւ Արամը:

— Արգեօք կարելի չէ՞ ձի մը դտնել, — հարցուց Սա-
քօն:

— Զրադացպան Գիքորն ունի ձի մը, բայց ջրադացն ալ
բաւական հեռու է, — պատասխանեց Յովսէփը:

— Դուն, Յովսէփ, վազէ՛ դէպի ջրադացը եւ փորձէ
կայարան հասնիլ գնացքը այնտեղէն մեկնելէ առաջ: Ա-
քամ, դուն ալ երկաթագծերով գնա դէպի պահապանին
տնակը. գուցէ կրնաս լուր տալ, որ կեցնէ գնացքը: Իսկ ես
եւ լեւոնը կը մնանք հոս եւ եթէ դուք չյաջողիք, մենք կը
ջանանք կեցնել գնացքը:

Արամն ու Յովսէփը վազելով ճամբայ ելան:

* * *

Ճեղընթացը արագ արագ կուգար:

— Երկար ատեն է, ես այսպիսի անձրեւ տեսած չեմ, —
ըսաւ գնացքը քշող մեքենավարը իր օգնականին:

— Ես ալ, — ըսաւ օգնականը: Երանի թէ կամուրջները
աւրուած չըլլան: Նայէ՛, թէ ինչ հեղեղներ կը թափին լեռ-
ներէն:

Գնացքը կը շարունակէր առաջ սլանալ:

— Առջեւդ նայէ՛, — ըսաւ մեքենավարը օգնականին, —
այդ ի՞նչ է հոն, երկաթագծերուն մէջտեղը:

— Երկու տղաներ կը տեսնեմ: Առւէ՛, որ հեռանան, —
ըսաւ օգնականը:

Շողեմեքենան սուլեց:

Երկաթագծերուն վրայ կեցած երկու տղաները չշար-
ժեցան իրենց տեղէն: Կ'երեւար, թէ անոնք կը սպասէին
գնացքին: Տղաներէն մին օդին մէջ կը շարժէր իր թաշկի-
նակը եւ ձեռքով հեռուն ցոյց կուտար:

— Ա՛յ անպիտաններ, — բացականչեց մեքենավարը
կատղած:

— Նորէ՛ն սուլէ, նորէ՛ն սուլէ, — ըսաւ օգնականը ան-
համբեր:

Շողեմեքենան քանի մը անդամ սուլեց: Տղաներէն մէ-
կը վախաւ, իսկ միւսը մնաց կեցած ճիշդ երկու երկաթա-
զծերուն մէջտեղը եւ կը շարունակէր ծածանել թաշկինակը:

— Արգելա՛կը, արգելա՛կը, չո՛ւտ, չո՛ւտ, — բացական-
չեց օգնականը: Տէ՛ր Աստուած, նայէ՛, պառկեցաւ ճիշդ
երկաթագծերուն վրայ, ճզմուի պիտի... կամ կոյր եւ խուլ
է, կամ խենթ:

Թէեւ գնացքը արգէն շատ մօտեցեր էր տղուն, եւ յոյս
չկար թէ կարելի պիտի ըլլայ կեցնել զայն, բայց մեքենա-
վարն ու օգնականը ամբողջ ուժով սկսան դարձնել արգե-
լակը:

Գնացքը աւելի եւ աւելի կը մօտենար տղուն: Միայն
քսան քայլ կը մնար որ հասնէր անոր: Գնացքը աւելի մօ-
տեցաւ եւ վերջապէս կեցաւ տղայէն հաղիւ երկու-երեք քայլ
չեռոււ:

Մեքենավարն ու օգնականը ուրախութեան ճիչ արձա-
կեցին:

Մեքենավարը դուրս կախուեցաւ շողեմեքենայէն եւ
զայրացած պուաց տղուն.

— Կորսուէ՛ այդտեղէն, անպիտան...

Տղան խենթի նման վեր ցատկեց իր տեղէն եւ ցոյց
տալով կամուրջն՝ ըսաւ.

— ՓԼԵՇՐ է...

Ճամբորդները դուրս թափեցան վակոններէն եւ վաղեցին դէպի շոգեմեքենան կանչելով.

— Ի՞նչ է պատահեր, ի՞նչ է պատահեր...

— Կամուրջը փլեր է, ահա մեր փրկիչը, — պատասխանեց մեքենավարը յուղուած:

Ամէնքը շրջապատեցին Սաքօն, որ յոգնութենէն եւ յուղումէն ուշաթափ ինկեր էր գետին: Իսկ անձրեւը կը շարունակէր տեղալ:

Անձնազոհ — ուրիշին օդնելու համար ինքինքը
վտանգի ենթարկող

Տարեկից — միեւնոյն տարիքն ունեցող
ձեպընթաց — արագ գացող

Պարծենալ — հպարտանալ

Սարսափ — վախ

Սարսափահար — սաստիկ վախցած

Անդունդ — շատ խորունկ տեղ, խորունկ փոս

Շոգեմեքենայ — գնացքը քաշող մեքենային վակոնը

Արգելակ — գնացքը կեցնող գործիքը

Ուշաթափ — միտքը կորսնցուցած:

Բաղաձայն տառերով չենք կրնար վանկ կաղմել: Վանկ կաղմելու համար բաղաձայններու հետ պէտք է անպատճառ ձայնաւոր մը ըլլայ: օրինակ՝ Մասիս, Սեւան, քաղաք:

Բայց մինակ մէկ ձայնաւորով, տոանց բաղաձայնի ալ, կրնանք վանկ կաղմել: օրինակ՝ Արաքս, Երեւան, Իրիկուն, օգոստոս, ո-րոտ:

ԱՄԷՆ ԳԱՐՈՒՆՔԻՆ

Ամէն գարունքին՝

Արագիլն ուրախ կ'իջնէր մեր ծառին.

Մանուկ ականջիս բարձրիկ կը կանչէր, —

«Դու'ւրս եկուր խաղանք, ծաղիկ եմ բերեր»:

Ամէն գարունքին՝

Արագիլն ուրախ կ'իջնէր մեր ծառին.

Պատանի սրտիս բարձրիկ կը կանչէր, —

«Դու'ւրս եկուր, թռչինք, երազ եմ բերեր»:

Ամէն գարունքին՝

Արագիլն ուրախ կ'իջնէ մեր ծառին.

Ու նորէն կ'երթայ, ու նորէն կուգայ,

Բայց, ա'խ, ինձ համար ալ երազ չկայ:

Ա. ԻՍԱՀԱԿՅԵԱՆ

ՔԵՐԱԿԱՆՈՒԹԻՒՆ

ԳԵՐԻՆ ԵՒ ԱԹԻԹԾԸ

Ատենին խեղճ մարդ մը կար: Այս մարդը գերի ինկած էր հարուստ եւ չար մարդու մը ձեռքը:

Հարուստը ամէն օր կը չարչրէր, կը հայհոյէր, կը ծեծէր խեղճ գերին:

Օր մըն ալ գերին հարուստին չարութենէն ձանձրացած, ձգեց անոր տունը եւ փախաւ անտառ: Մարդն անօթի էր եւ յոզնած: Անտառին մէջ պտուղներ քաղեց կերաւ, կշտացաւ, ապա մտաւ քարայր մը եւ պառկեց քնացաւ:

Քիչ վերջը քունին մէջ սաբսափելի ձայն մը լսեց: Արթընցաւ, ոտքի ցատկեց, շուրջը նայեցաւ, եւ երբ կ'ուզէր այրէն զուրս ելել, տեսաւ առիւծ մը:

Գերին սաբսափելի վախցաւ եւ խորհեցաւ, թէ առիւծը պիտի յարձակի իրեն վրայ եւ պատառ պատառ ընէ: Բայց գերին շատ զարմացաւ, երբ տեսաւ որ առիւծը իրեն բան մը չըրաւ, այլ միայն բարձր ձայնով մոնչեց: Այն ատեն գերին նկատեց, որ առիւծը կեցած է երեք ոտքերու վրայ, իսկ չորրորդ ոտքը վեր բարձրացուցած է: Առիւծին այդ ոտքը սասատիկ ուռած էր:


Գերին կամաց կամաց սիրտ ըրաւ, մօտեցաւ առիւծին, չոքեցաւ անոր առջեւ եւ առիւծին ուռեցած ոտքէն խոչոր փուշ մը հանեց: Առիւծը տեղէն չչարժեցաւ եւ ձգեց որ մարդը փուշը հանէ իր ոտքէն: Ետքը գերին աղէկ մը լուաց ոտքին վէրքը եւ լաթով մը կապեց:

Երբ մարդը իր գործը լրացուց, առիւծը սկսաւ չարժել իր պոչը եւ ուրախ ուրախ նայեցաւ մարդուն: Իսկ երբ գերին առիւծին քովէն հեռանալ ուղեց, առիւծը քալեց անոր ետեւէն եւ ալ անոր մօտէն չհեռացաւ:

Քանի մը օրէն առիւծին վէրքը աղէկցաւ:

Գերին եւ առիւծը բարեկամացան իրարու հետ: Առիւ-

ծը ամէն օր որսի կ'երթար, փոքրիկ կենդանիներ կ'որսար եւ կը բերէր իր բարեկամին: Իսկ զիշեցները, երբ մարդը կը քնանար, առիւծը անոր քովը կը պառկէր եւ անտառի զազաններէն կը պաշտպանէր զայն:



Երկու բարեկամները երկար ժամանակ այսպէս հանգիստ ապրեցան անտառին մէջ:

Օր մը առիւծը նորէն որսի դնաց եւ այլ եւս չվերադարձաւ:

Գերին շատ վնտուեց իր բարեկամը, բայց չդտաւ: Խռոմը մը որսորդներ եկած էին այդ անտառը որս ընելու: Եւ ահա, երբ գերին իր կորսուած բարեկամը կը փնտոէր, որսորդները տեսան զինքը, բոնեցին եւ տարան յանձնեցին այն հարուստ մարդուն, որու քովէն փախած էր գերին: Գերիին տէքը տարաւ զայն եւ յանձնեց դատաւորին: Դատաւորը որոշեց պատժել առաջ խեղճ գերին: Եւ գիտէ՞ք ինչպէս: Քաղաքի մեծ հրապարակին վրայ գերին առանց զէն-

քի, մերկ ձեռքերով պիտի կռուէր կատաղի առիւծի մը
հետ: Ի՞նչ կրնար ընել խեղճ մարդը, կրնա՞ր ազատիւ
առիւծին ճանկերէն:

Եւ ահա օր մը խեղճ գերին հանեցին բանտէն եւ տարին
կեցուցին հրապարակին մէջտեղը: Հրապարակին մէկ ծայ-
րը դրուած էր խոշոր վանդակ մը, մէջն ալ առիւծը:

Գերին պատժելու համար եկած մարդիկ բացին վան-
դակին դուռը, առիւծը դուրս ելաւ վանդակին եւ վաղեց
դէպի գերին: Բայց, զարմանալի՛ բան, առիւծը չյարձակե-
ցաւ մարդուն վրայ, այլ մօտեցաւ, լիդեց անոր ձեռքերը եւ
պառկեցաւ անոր ոտքերուն առջեւ: Խելացի առիւծը
ճանչցաւ իր ոտքէն փուշը հանող բարեկամը:

Մարդիկ զարմացան այս բանին վրայ եւ ուղեցին հաս-
կընալ, թէ ինչո՞ւ առիւծը չվնասեց գերիին: Գերին պատ-
ժեց, թէ ինքը ի՞նչ աղէկութիւն էր ըրած առիւծին:

Մարդիկ մեղքցան բարի գերիին եւ իրեն բարեկամ
առիւծին հետ միասին ազատ արձակեցին:

Գերի — մարդ մը, ոքուն տէրիշ մարդ մըն է. տէ-
րը կրնայ ինչ որ ուզէ ընէ գերիին, կրնայ նոյնիսկ մեռցնել

Այլ եւ քարայր — գետինի՝ կամ լեռներու մէջ խորունկ
տեղ մը, ուրտեղ մարդիկ կամ կենդանիներ կրնան պահուիլ
Սարսափելի — շատ գէշ, շատ վախցնող

Ճանկ — զազաններուն մատները, սուր եղունդներով:

ՔԵՐԱԿԱՆՈՒԹԻՒՆ

Բառերուն մէջ ճանաւորէն ետքը ու տառը կը հըն-
չենք վ. օրինակ՝ կը գրենք նուարդ, բայց կը կարդանք
Նվարդ, կը գրենք աղուէս՝ կը կարդանք աղվէս, կը գրենք
աղուոր՝ կը կարդանք աղվոր:

ԿԱՆԱԶ ԱՂԲԵՐ

Է՛յ, կանաչ աղբեր,
Է՛յ, ճանանչ աղբեր,
Եկուր, հետդ բեր
Արեւի շողեր,
Բէ՛ր անուշահոտ
Ծիլ, ծաղիկ ու խոտ,
Կարկաչուն վտակ,
Երկինք կապուտակ,
Նախշունիկ հաւքեր,
Զըրընդան երգեր,
Գառներու մայուն,
Խա՛ղ, ուրախութիւն.
Է՛յ, կանաչ աղբեր,
Է՛յ, ճանանչ աղբեր:

ՑՈՎՀ. ԹՈՒՄԱՆԵԱՆ

Աղբեր, աղբար եւ եղբայր միեւնոյն բանն ըսել է:
Կանաչ աղբար գարունին կ'ըսէ, որովհետեւ գարնանը
դաշտերը կը կանաչին:
Ճանանչ աղբար կ'ըսէ գարունին, քանի որ ամէն մարդ
կը ճանչնայ գարունը:
Ծիլ — հողին մէջէն դուրս եկած փոքրիկ բոյս
Հաւք — հաւ, թուչուն
Զըրնդան — զանդի նման ճայն հանող
Մայուն — գառներու եւ ոչխարներու ճայն:

ՉԱԼԱՆԿԸ

ՄԵՆՔ շուն մը ունէինք՝ անունը Զալանկ:

ՄԵՐ Զալանկը սեւ, բրդոտ շուն մըն էր, կուրծքն ու վիզը ճերմակ: Զալանկը խելացի շուն էր եւ ամէնքս կը սիրէինք զինքը:

Զմեռ ատեն հայրս Զալանկը կը կապէր մեր գոմին դրան առջեւ: Քիչ մը խոտ կը փոէր հոնի, որպէսզի Զալանկին տեղը կակուղ ըլլար:

Գոմը մեր տունէն բաւական հեռու էր: Եթէ գողերը գոմին դուռը կոտրէին եւ բոլոր անասունները տանէին, մենք չէինք գիտնար: Ատոր համար էր, որ հայրս Զալանկը գոմին դրան առջեւ կը կապէր, որ եթէ գողերը գային, Զալանկը հաջէր եւ մեզի լուր տար:

Եւ իբաւ, Զալանկի վախէն օտար մարդիկ չէին մօտենար ո՛չ մեր գոմին, ո՛չ ալ մեր տան:

* * *

Զմրան գիշեր մը, երբ ամէնքս քնացած էինք, յանկարծ արթնցանք տարօրինակ ազմուկէ մը: Դուրսէն մէկը կը քըսուէր մեր տան դրանը, կը ճանկուտէր եւ տեսակ մը մուռցի ձայն կը հանէր:

Ամենէն առաջ արթնցանք ես եւ մայրս: Հայրս խորունկ կը քնանար: Մայրս քիչ մը ատեն ականջ դրաւ դուրսի ձայներուն եւ արթնցուց հայրս:

Ճիշդ այդ վայրկեանին մէկը կրկին ճանկուեց մեր դուռը:


— Արդեօք շո՞ւն է, ըսաւ հայրս, ելաւ անկողնէն, մօ-

տեցաւ եւ բացաւ պատուհանը: Ապա դլուխը դուրս հանեց եւ պոռաց:

— Կորսուէ՛ հոստեղէն:

Ետքը մեզի դառնալով ըսաւ.

— Մեր շունն է, կապը կտրեր եկեր է:



— Զըլլա՞յ թէ անօթի է, հարցուց մայրս:

— Ո՛չ, երեկոյեան գոմը գոցելէ առաջ հաց տուի իրեն: Կրնայ ըլլալ գայլ է տեսեր, վախէն կապը կտրեր ու հոս է եկեր, պատասխանեց հայրս:

Հայրս պառկեցաւ եւ կը պատրաստուէր քնանալու, երբ դուրսէն շունը թաթը կրկին քսեց դրանը եւ կաղկանց: Երբ շունը քանի մը անդամ կրկնեց այդ, հայրս այլ եւս

չամբերեց, ելաւ իր տեղէն, վերցուց ձեռնափայտը, բացաւ
դուռը եւ ամուր մը զարկաւ շանը:

— Կորսուէ՛ հոստեղէն, կ'ըսեմ քեզի, անպիտան:

Շունը կաղկանձելով փախաւ:

Հայրս դուռը գոցեց եւ մտաւ անկողին:

— Կատղեր է անպիտան շունը, չի ձգեր որ քնանանք,
ըսաւ հայրս, դժգոհութեամբ:

Հայրս հազիւ էր անկողին մտեր, որ Զալանկը կրկին
յետ եկաւ, դարձեալ քսուեցաւ դրանը եւ սկսաւ կլանչել:
Հայրս ուզեց նորէն բարկանալ, բայց մայրս խորհուրդ տը-
ւաւ ելլել եւ տեսնել, թէ ի՞նչ է պատահեր:

— Այս շունը երբեք ասանկ բան ըրած չէ: Զըլլա՞յ թէ
դոմը գողէ մտեր, ըսաւ մայրս:

Հայրս ոտքի ելաւ եւ սկսաւ հադուիլ:

— Դո՞ւն ալ ելիր, տղա՛ս, ճրագը վասէ՛ եւ հօրդ հետ
միասին դացէք, ըսաւ ինծի մայրս:

Ես հագուեցայ, ճրագը վասեցի եւ հօրս հետ դուրս ե-
լայ: Երբ դուռը բացինք, Զալանկը եկաւ, քսուեցաւ հօրս
ոտքերուն, ապա առաջ նետուեցաւ եւ վազեց դէպի դոմը:
Մենք ալ իրեն ետեւէն դացինք:

* * *

Յուրա էր: Գետինը, տանիքները, պատերը, ծա-
ռերը՝ ամէն ինչ ծածկուած էր ձիւնով: Թէեւ լուսին չկար,
բայց ամէն բան կ'երեւար ճերմակ ձիւնին վրայ: Հայրս կե-
ցաւ եւ շուրջը նայեցաւ, տեսնելու թէ արդեօք գայլ չկա՞յ: Զա-
լանկը, որ առաջ գացած էր, երբ տեսաւ թէ ես եւ հայրս
կեցանք, յետ եկաւ, կլանչեց եւ նորէն առաջ ինկաւ դէպի
դոմը երթալու: Ան շուտ-շուտ ետ կը դառնար եւ հօրս երե-
սը կը նայէր: Ինծի անանկ կուգար որ, Զալանկը կ'ուզէր
ըսել, թէ իմ ետեւէն եկէք:

Զալանկը մէյ մը կը վազէր կ'երթար մինչեւ դոմը, մէյ
մը յետ կուգար դէպի մեզ, նորէն կը վազէր մինչեւ դոմը եւ
կրկին յետ կուգար: Ան քանի մը անդամ այգպէս ըրաւ:

— Հոս բան մը կայ, ըսաւ հայրս եւ սկսաւ արագ արագ
քալել:

Հասանք դոմին առջեւ: Հայրս բացաւ դուռը, ես ալ ճը-
րագը վեր բարձրացուցի, որ լուսաւորեմ դոմը եւ, ի՞նչ
տեսնենք աղէկ...

Մեր մեծ կովը ծներ էր: Իր պզտիկ հորթուկը ինկած
էր աղբերուն մէջ, ոտքերը կը շարժէր, կ'ուզէր ելլել, բայց
չէր կրնար: Հորթին մայրն ալ, որ կապուած էր մսուրէն,
անհանդիստ աջ ու ձախ կը դառնար, կ'ուզէր գլուխը մօ-
տեցնել իր ձագուկին, բայց չէր կրնար, — վեղին կապը
կարճ էր:

Հայրս իսկոյն վերցուց հորթուկը, մաքրեց, եւ դրաւ
մօր առջեւ: Կովը սկսաւ լիզել հորթուկը:

Մինչ հայրս հորթը կը մաքրէր, Զալանկը ուրախ ու-
րախ ասդին անդին կը ցատկատէր: Ետքը, երբ հայրս հորթը
դրաւ կովուն առջեւ, Զալանկը նստաւ, դունչը դրաւ երկու
թաթերուն վրայ եւ սկսաւ բարի աչքերով նայիլ կովուն եւ
հորթին:

— Ապրի՛ս, Զալանկ, ըսաւ հայրս, շոյելով շան գլու-
խը: Ես քեզ ի զուր ծեծեցի:

Մենք հասկցանք, թէ ինչ է եղեր: Երբ Զալանկը դուր-
սէն լսեր է, որ գոմին ներսը կովը անհանդիստ շարժումներ
կ'ընէ, կտրեր է իրեն կապը, եւ եկեր է մեզի լուր տալու:

Այդ օրուընէ սկսած մենք ա՛լ աւելի սիրեցինք Զալան-
կը: Երբ ան դուրսը կը հաջէր կամ կը կլանչէր, մենք միշտ
ուշադիր կ'ըլլայինք անոր ձայնին: Մենք գիտէինք որ Զա-
լանկը սուտ չի հաջեր:

— Շունն իմաստուն կենդանի է, կ'ըսէր հայրս այդ
դէսքէն յետոյ: Շունը պէտք է եղբօր նման սիրել...

ԱՅ. ԶՈՐԵԱՆ

Բրդոտ — վրան շատ մաղ, շատ բուրդ
Գոմ — անասուններու ապրելու չէնք
Կաղկանձել — շունին լացի նման ձայն հանելը
Կլանչել — պղտիկ մը հաջել
Հորթ — կովուն ձագը
Մոռուր — գոմին մէջ շինուած յատուկ տեղ, ուր խոս
եւ այլ ուտելիք կը դնեն անասուններու համար
Իմաստուն — շատ խելացի:

ԿԱՆԱԶԻ, ԱՅԳԻ...

Կանաչ', կանաչ',
իմ սիրուն այգի,
կանաչ ու կարմիր
Զգեստներ հագիր:
Գարունն ու հաւքեր
Եկան քեզ համար,
կանաչ', այգի,
Խողան մի՛ մնար:
Կանաչ ու կարմիր
Նշան են կեանքի,
կանաչ', կանաչ'
իմ սիրուն այգի:

ԱԹ. ԽՆԿՈՅՑԵԱՆ

Հագիր — հագուէ
Հաւքեր — թռչուններ
Խողան — չփորուած, չմշակուած հող:

ՅՈՎՀԱՆՆԻՍ ԸՂԲԱՐԸ

Յովհաննէս աղբար հանքագործ էր: Այդ օրն ալ, առ-
տուն կանուխ, ամէն օրուան պէս, գնաց գործի:

Իջաւ հորին անհամար աստիճաններէն վար՝ լապտերը
բռնած ձեռքը: Իջաւ կէս ժամ, հանգչելով-հանգչելով,
որովհետեւ՝ հորը շատ խորունկ էր:

Դժուար էր, անշուշտ, մութ ու խոնաւ հանքին մէջ
աշխատիլը. բայց հանքագործը պարտաւոր էր բանիլ, որ
պէսզի կերակրէ իր զաւակները:

Հասաւ ահա այն նրբանցքը, ուր պիտի աշխատէր: Հա-
նեց վերարկուն, սոթաց թեւերը, դրաւ լապտերը դէմը եւ
սկսաւ գործի:

Գո՞րծ, բայց ի՞նչ գործ. պէտք է իր թեւին ուժով քակէ
քարի խոշոր կտորները. պէտք է շատ անգամ այդ նեղ տեղը
պասկի՝ կոնակին վրայ, որ ուժ առնէ քլունկը, ու փրցնէ
հանքին կտորները:

* * *

Յովհաննէս աղբար աշխատեր էր բաւական ատեն, երբ,
յանկարծ տեսաւ թէ՝ ապառաժներուն մէջէն հոսող ջուրը
կը շատնայ:

Ոտքի ելաւ. առաւ ճրագը ու աղէկ մը սկսաւ զիտել
չորս կողմը: Զէ՛, տեսաւ որ ջուրը կը հոսի ամէն կողմէ,
ու երթալով կը շատնայ:

Հանքին մէջ կ'աշխատէին իրեն պէս հազարաւոր բան-
ուորներ:

Յովհաննէս աղբար առաւ լապտերը եւ սկսաւ քալել
դէսպի կեղրոնական ճամբան. հազիւ հոն հասած էր, լսեց
որ զանազան նրբանցքներէ բանուորները սարսափով կը
պոռային.

— Զո՞ւրը, ջո՞ւրը...:

Այդ աղաղակին հետ՝ ականջին հասաւ ուրիշ խուլ աղ-

մուկ մըն ալ եւ երկու վայրկեան չանցած՝ տեսաւ որ վարի
նրբանցքներուն մէկուն մէջն կուգայ հեղեղ մը:

Այդ նրբանցքներուն մէջ կ'աշխատէին հարիւրաւոր
մարդիկ. Յովհաննէս աղբար հասկցաւ որ խեղուած են
անոնք:

Այս միջոցին էր որ հանքագործները սկսան լեզապա-
տառ պոռալ.

— Կրցողը թող ագատէ՛ իր հոգին...

* * *

Հանքագործները դարձուրանքով կը վազէին դէպի
սանդուխը, կը մագլցէին դէպի վեր, իրար կը հրէին ու
շատեր կը թաւալէին դէպի անդունդը:

Ահագին բազմութիւն խոնուեր էր դէպի վեր քաշուե-
լիք պարանին չուրջը. ամէնքն ալ կախուեր էին անկէ. իսկ
չուրը կատաղութեամբ կը հոսէր, կը լեցուէր ամէն կողմ ու
կը բարձրանար:

Վերէն սկսան քաշել պարանը. բայց պարանին հարիւ-
րաւոր ձեռքեր էին կախուեր. յանկարծ պարանը փրթաւ,
եւ մարդիկը վար դահավիթեցան՝ զարհուրելի ճիշեր բար-
ձրացնելով:

* * *

Զուրը կը վազէր անընդհատ, ու հեղեղը կը շատնար:
Բայց, գեռ այնքան հազար մարդիկ կային, որ կ'աշ-
խատէին ընդարձակ հանքին մէջ, եւ լուր չունէին. անշուշտ
ամէնքն ալ պիտի խեղուէին:

Յովհաննէս աղբար նայեցաւ ահազանգին. մտածեց որ
քաշէ չուանը, հնչեցնէ ու վտանգը իմաց տայ ամէնուն:

Լաւ է որ մէկ մարդ մեռնի, քան թէ հազարաւոր հոգի,
խորհեցաւ ազնիւ գործաւորը:

Կեցաւ վայրկեան մը. աչքին առջեւ բերաւ իր կինն ու
զաւակները, եւ ա՞լի մը քաշեց սրտէն:

«Զէ՛, աւելի լաւ է որ հազարաւոր որբերու տեղ՝ մի-
այն իմ զաւակներս որբ ըլլան», ըստ ինքնիրեն:

Եւ քաջասիրտ հանքագործը ցատկեց դէպի ահազանգին

չուանը, բռնեց զայն, կախուեցաւ, եւ սկսեց հնչեցնե՛լ,
հնչեցնե՛լ...

* * *

Զանգակին տիսուր ձայնը տարածուեցաւ խորունկ ու
մութ հանքին կամարներուն տակ:

Հանքագործները, լսելով վտանգին նշանը՝ սկսան վա-
զել չորս կողմէն: Կը վազէին ու կը բարձրանային սան-
դուխներէն վեր, սարսափի եւ փրկութեան աղաղակներով:

Զանգակը կը հնչէր անգաղար, ու ջուրը կը բարձրա-
նար միշտ:

Ահա, արդէն, Յովհաննէս աղբար կէս մէջքով ջուրին
մէջ է. փախչելու հնար չկայ, ալ յոյս չունի ազատումի:

Դիւցաղն հանքագործին ձեռքերը, մինչեւ վերջը, կախ-
ուած մնացին զանգակին չուանէն, եւ հնչեցուցի՛ն, հնչե-
ցուցի՛ն զայն, — մինչեւ որ ջուրը շատցաւ, անցաւ անոր
դլառն վրայէն եւ թաղեց զայն իր մէջ:

Ահա, այն ատեն միայն լոեց զանգակը:

Ո. ԶԱՐԴԱՐԵԱՆ

Հանք — հողին մէջ քարածուխի, երկաթի, պղինձի,
սոկիի, արծաթի եւ այլ օգտակար նիւթերու մէծ քանակու-
թիւն, որ մարդիկ կը փորեն եւ կը հանեն դուրս

Հանքագործ — հանքի մէջ աշխատող

Նրբանցք — գետնին տակ փորած նեղ ճամբար

Թեւերը սոթտել — հագուստին թեւերը ծալել եւ վեր
քաշել

Քլունկ — երկաթէ ձող

Աղառաժ — խոշոր քար

Հեղեղ — վազող շատ ջուր

Զարհուրանք — մէծ վախ

Կեղբոնական — մէջտեղի
Գահավիժել — վերէն վար իյնալ, վար նետուիլ
Աչաղանդ — վտանգը լուր տուող զանդ
Կամար — կլոր առաստաղ
Դիւցազն — քաջ, հերոս:

ՈՎ ՈՒՆԻ

Իմ հայրենի երկրին պէս
Զքնաղ երկիր ո՞վ ունի,
Անուշ բուրմունք ու պէս պէս
Ծառ ու ծաղիկ — ո՞վ ունի...

ԾՈՅԼԸ ԵՒ ԶԱՂԱՍԷՐԸ

Ծոյլը. — Այսօր կը խաղամ՝
Վաղը կը սովորիմ:
Զանասէլը. — Այսօր կը սովորիմ՝
Վաղը կը խաղամ:

Իմ հայրենի երկրին պէս
Վճիտ աղբիւր ու գետակ,
Խոր-խոր ձորեր անյատակ,
Հպարտ լեռներ — ո՞վ ունի...

Իմ հայրենի երկրին պէս
Կապոյտ երկինք՝ ջինջ ու պարզ,
Աստղեր պայծառ ու անհաս,
Արեւ, լուսին — ո՞վ ունի:

ՀԱՆԵԼՈՒԿ

Ան ի՞նչ է՝
Մէկ սաւան ունիմ, որ կընայ ամբողջ աշխարհ ծածկել,
Բայց ծովը ծածկել չի կրնար:

ԱՐԱՄ ԳԱԽՈՆԻ

Զքնաղ — շատ գեղեցիկ
Բուրմունք, բոյլ — հոտ
Վճիտ — պարզ, մաքուր
Անյատակ — որ յատակ չունի
Ջինջ — մաքուր, փայլուն, պայծառ
Անհաս — որուն չենք կրնար հասնիլ:

ԴԵՊԻ ՍԵՒԱՆ

Երբ ես դպրոցական աշակերտ էի, Հայաստանի աշխարհագրութեան ուսուցիչս կը պատմէր, թէ Սեւան լիճը աշխարհի ամենին բարձր լինն է: Ես շատ կ'ուզէի օր մը տեսնել Սեւանը:

Դպրոցը աւաբանելին ետքը իմ այդ փափաքը կատարուեցաւ: Ամառուան օդ մը, քանի մը ընկերներով ճամբայ ելանք Սեւան երթալու:

Ամբողջ օր մը ճամբորդելէ յետոյ, յաջորդ օրը հասանք Սեւանի ափի Յամաքարերդ գիւղը:

Յամաքարերդէն մեր առջեւ բացուեցաւ գեղեցիկ տեսարան մը: Վարը, մեր ոտքերուն տակ, կապոյտ հայելիի պէս փոռուած էր Սեւան լիճը:

Յամաքարերդէն քանի մը մզոն հեռու, լիճի ջուրերուն մէջ, կ'երեւար խոչոր, սեւ կէտ մը: Ընկերներէս մին ըսաւ թէ՝ ատիկա Սեւան կղզին է: Մենք հոն պիտի երթայինք:

Ժամ մը չանցած, մեր կառքը հասաւ կղզիին ճիշդ դիմացի ափը: Կղզին այլեւս պարզ կ'երեւար, — կղզիին ծառերը, ափին կապուած նաւակները եւ բլուրի վրայի երկու վանքերը՝ մէկը մեծ, միւսը փոքր:


Մեր կեցած ափին քով նաւակ չկար: Կղզիին տեսան մեզ եւ, շատ չանցած, կղզիի նաւակներէն մէկը, ճերմակ առաջաստը բացած սկսաւ դէպի մեզ լողալ: Քիչ վերջը՝ ամէնքս նաւակ նստած կ'երթայինք դէպի կղզին:

Որքան կը մօտենայինք, այնքան կը մեծնար, այնքան աւելի գեղեցիկ կ'երեւար կղզին: Վերջապէս ելանք ափը:

Այդքան գեղեցիկ կղզի ես միայն պատկերներու վրայ տեսած էի:

Ափի խոչոր, բարձր ծառերը ազուոր չուփ կ'ընէին: Ծառերուն մէջ ծածկուած քանի մը չէնքեր կային՝ եկեղեցի մը, հիւրատուն մը եւ վարդապետներուն բնակարանը: Այդ չէնքերէն քիչ մը հեռու կովերուն եւ ոչխարներուն դոմն էր:

Կղզիի միայն կէսը հարթ էր, միւս կէսը կը գրաւէր



ՍԵՒԱՆԱՅ ԼԻՃԱ ԵՒ ԿՂԶԻՆ

բարձր բլուր մը, որու կատարին հայկական երկու հին վան-
քեր կային:
Կղզիին վրայ միայն վարդապետներ կ'ապրէին:

* * *

Ես եւ ընկերներս կ'ուզէինք շուտ մը ամէն բան տեսնել:
Մեր ճամբու պայուսակները դրինք մեզի յատկացուած
սենեակը եւ սկսանք բարձրանալ բլուրն ի վեր: Բլուրը
ծածկուած էր կանաչ խոտերով եւ ծաղիկներով: Անոր
լանջերուն վրայ կ'արածէին քանի մը կովեր եւ ոչխարներ:
Կղզին փոքր էր եւ ատոր համար շատ կենդանիներ չէին
կրնար պահել հոն:

Գեղեցիկ էին բլուրի վրայ կարմիր քարէ շինուած եր-
կու վանքերը: Վարդապետները կ'ըսէին, թէ մեծ վանքը
շինել տուած է հայ իշխան մը, մեզմէ հազար տարի առաջ:

Վայրի աղաւնիներ խումբերով կը դառնային վանքերու
գմբէթներուն չուրջը: Վանքերու պատերու քարերուն վրայ
կակուղ, կանաչ մամուռ բուսած էր:

Բլուրին կատարէն մեր աչքերու առջեւ բացուեցաւ
հիանալի տեսարան մը:

Փոքրիկ կղզին ամէն կողմէ շրջապատուած էր երկին-
քի պէս կապոյտ ջուրով: Պղտիկ ալիքները կուգային, կը
զարնուէին ափերուն եւ ճերմակ փրփուրէ ժապաւէն կը
կազմէին:

Հեռուն, լիճին ափերուն վրայ կ'երեասային մէկ կողմէն
Արեւիք լեռները, միւս կողմէն Գեղամայ եւ երրորդ կողմէն
Գեղարքունեաց լեռները: Այդ լեռները կարծէք թէ ամուր
գրկեր էին Սեւան լիճը, եւ չէին ձգեր որ ան հեռանայ այդ
տեղէն եւ ուրիշ տեղ երթայ: Տեղ մը միայն, Յամաքարերու
գիւղին մօտ, հոն, ուր լեռները իջած են մինչեւ լիճին ափը,
Սեւանի ջուրը պղտիկ ճամբայ մը բացած է եւ դուրս կը
վազէ լիճէն:

Ատիկա Հրազդան գետակն է, որ դուրս կը հոսի Սեւա-

նէն եւ կ'երթայ դէպի վար, դէպի Արարատեան Դաշտը:

* * *

Մեզ կղզին բերող նաւակը կրկին պարզեց իր առագաստը եւ ջուրերու վրայ ելաւ: Այս անգամ կղզիին մարդիկը ելած էին ուռկանով ձուկ որսալու:

Մեր շուրջի տեսարանը այնքան գեղեցիկ էր, որ չնկատեցինք, թէ ինչպէս արեւը մայր մտաւ եւ մութն ինկաւ:

Երկինքին մէջ աստղերը կայծկլաւ սկսան: Լիճին ափերու վրայի հայ գիւղերու ճրագները մէկը միւսի ետեւէն վառուեցան: Այդ ճրագներն ալ հոռուէն նման էին աստղերու, որոնք կարծէք Երկինքին լիճեր եւ շարուեր էին լիճի ափերուն վրայ: Քիչ ետքը լուսինն ալ ելաւ լեռներու կոնակէն եւ լիճին ջուրերը արծաթի պէս վայլիլ սկսան:

Վարչն, ծառերու մէջին լսուեցաւ զանգակին ձայնը, որ մեզ ընթրիքի կը կանչէր:

Վար իջանք բլուրէն եւ գացինք հիւրատուն, ուրտեղ ընթրիքի սեղան մը շտկուած էր մեղ համար: Կերակուրներէն ամենէն աւելի սիրեցինք Սեւանի ջուրերէն բոնուած «իշխան» ձուկը: Ես կետնքիս մէջ այդքան համեղ ձուկ կերած չէի:

Ուշ երեկոյ էր արդէն: Ճամբորդութենէն եւ օրուան պտոյտներէն յոդնած, մենք սպառկեցանք քնանալու:

Դուրսը հով էր բարձրացեր: Մեր ննջասենեակի պատուհաններէն կը լսուէր ծառերու տերեւներու սօսափիւնը: Այդ սօսափիւնին կը միանար կղզիի ափերուն դարնուող ալիքներու ձայնը, որ աղուոր երգի պէս օրօր կ'ըսէր մեղի: Ծառերու եւ ալիքներու օրօրին տակ մենք քնացանք անուշ քունով:

Յաջորդ առտու տիսրութեամբ հեռացանք Սեւանէն: Եթէ ինծի ձգէին, ես կ'ուզէի միշտ ալ այդ գեղեցիկ կղզիին վրայ ապրիլ:

ՍԵՒԱՆ ԼԻՇԸ

Հայաստանի Սեւան լիճը ծովէն 6340 ստք բարձր է: Սեւանի երկարութիւնն է 50 մղոն, իսկ լայնութիւնը քսան մղոն: Աշխարհի վրայ չկայ ուրիշ լիճ մը որ այդքան մեծ, այդքան բարձր ըլլայ եւ այդպէս անուշ ջուր ունենայ: Սեւան լիճին խորութիւնն է 360 ստք:

Սեւան լիճին մէջ կը թափին քսաննեւութ գետակներ: Սեւանէն դուրս կը հոսի միայն մէկ գետակ՝ Հրազդանը: Սեւանի անուշ ջուրի մէջ կան քանի մը տեսակ ձուկեր, որոնցմէ ամենէն ընտիրներն են՝ «իշխան» եւ «գեղարքունիք» ձուկերը:

Սեւանի ափերուն կան շատ հայ գիւղեր եւ մէկ քաղաք, որուն անունն է Նոր Բայազէտ:

Առագաստ — նաւերու վրայ կապուած խոշոր լաթ, որ հովէն կը մղուի եւ նաւը յառաջ կը տանի

Վարդապետ — հոգեւորական, կրօնական

Մամուռ — կակուղ խոտ

Կայծկլաւալ — փայլիլ

Օբօր — վորքիկ երեխաները քնացնելու երդ

Ծնտիր — ամենէն լաւ:

ԱՆՏՈՒՆ ՏԱԱՅ

Իմ պղտի'կ տղայ,
Մանուկ իմ սիրուն,
Դուն ալ չես դառնար,
Չես դառնար դուն տուն:

Զարդ էր, կոտորա՛ծ,
Չը փախար, փոքրի'կ,
Մնացիր փոռւած
Ճամբուն մէջ լոիկ:

Եւ թշնամու ձին
Լրաւ ոտնատակ
Քու սիրտը յստակ,
Անմե՛զ, մանկունակ:

Իմ պղտի'կ տղայ,
Մանուկ իմ սիրուն,
Դուն ա՛լ չես դառնար,
Ա՛լ չես դառնար տուն:

ՎԱՀԱՆ ՏԵՐԵԱՆ

Զարդ, ջարդել — կոտորել, սպաննել
Յստակ — մաքուր, պայծառ:

Զ Պ Ա Ճ Ո Ւ Ճ Ա Ն

Գիշեր մը, երբ երիտասարդ հնդիկ ուազմիկ մը կը քնանար խարոյկին քով, աղուոր երազ մը տեսաւ:

Ան տեսաւ, թէ ինչպէս հեռուէն, դաշտերուն վրայէն զեղեցիկ աղջիկ մը սահեցաւ եւ եկաւ դէպի իրեն: Աղջկան զգեստները ճերմակ եւ պայծառ էին, ինչպէս լուսնին ճառագայթները, իսկ անոր սեւ մազերուն մէջ կը փայլէր ոսկէ աստղ մը:

Աղջիկը մօտեցաւ երիտասարդին, կեցաւ անոր առջեւ եւ նայեցաւ անոր:

«Քաջ տղայ», — ըսաւ աղջիկը, — «լսէ՛, ինչ որ ես պիտի ըսեմ, եւ գնա՛ կրկնէ իմ խօսքերը իմաստուն մարդոց:

«Ես կը բնակէի երկրէն շատ վեր, աստղերուն աշխարհին մէջ, իմ քոյրերուս հետ: Ես վար նայեցայ եւ տեսայ երկիրը իր ծաղիկներով, իր վազող գետակներով, իր խաղաղ լիճներով եւ բարձր լեռներով: Տեսոյ եւ սիրեցի երկիրը: Ես ճգեցի իմ տունը աստղերու աշխարհին մէջ եւ եկայ ապրելու հոս, երկրին վրայ:

«Հարցուր ճեր իմաստուն մարդոց, թէ ո՞ւր պէտք է բնակիմ եւ ի՞նչ ըլլամ, որպէսզի ամէն մարդ սիրէ զիս: Երբ ուզես տեսնել զիս, ես կ'ըլլամ հո՛ն, այն լեռներուն ետեւը»:

Այսպէս ըսաւ աղջիկը եւ դանդաղ հեռացաւ տղու աչքէն:

Յաջորդ առտու, երբ երիտասարդ ուազմիկն արթնցաւ, յիշեց իր երազը եւ պատմեց իմաստուն մարդոց:

«Այդ շատ լաւ է», — ըսին իմաստուն մարդիկ: «Վերցո՛ւր քեզ հետ չորս երիտասարդ ուազմիկներ՝ բարձրահասակ, քաջ եւ գեղեցիկ, եւ գնա՛ հանդիպելու այդ աղջկան:

Բոէ՛ անոր, որ ինքը կրնայ ապրիլ՝ ուր որ կ'ուզէ եւ ըլլալ՝
ի՞նչ որ կ'ուզէ»:


Հինգ երիտասարդ ուզմիկները ճամբայ ելան եւ գա-
ցին լեռներուն ետեւը: Հոն անոնք գտան աստղ-աղջիկը, որ
կըսպասէր իրենց:

Երիտասարդներէն մին անոր նուէր տուաւ խաղաղու-
թեան ծխամոշնը, լեցուն անուշահու խոտերով:

«Բարի՛ ես եկեր մեր երկիրը, — ըսաւ ուզմիկը: Դուն
կրնաս ապրիլ՝ ուր որ կ'ուզես եւ ըլլալ՝ ի՞նչ որ կ'ուզես:
Այս է մեր իմաստուն մարդոց ըսածը»:

Աղջիկը լսեց եւ լուս խոնարհութիւն ըրաւ:

«Դուն այնքան խարտեաշ ես, — ըսաւ երկրորդ ուզմի-



կը, — որ կրնաս ըլլալ ճերմակ վարդ եւ ապրիլ լեռներուն
մէջ: Այն ատեն ամէնքը կրնան տեսնել քեզ»:

— Ա՛խ, — պատասխանեց աղջիկը, — բայց ես շատ մի-
նակ կ'ըլլամ լեռներուն մէջ: Ո՛չ, ես չեմ կրնար ապրիլ հոն:

«Եղի՛ր վայրի ծաղիկ եւ ապրիլ դաշտերուն մէջ, այն
ատեն դու աղաս կ'ըլլաս», — ըսաւ ուրիշ ուզմիկ մը:

— Բայց ես կը վախնամ դոմէշներու կճղակներէն, ա-
նոնք կրնան տրորել զիս: Ես չեմ կրնար ապրիլ դաշտերուն
մէջ, — պատասխանեց աղջիկը:

«Եղի՛ր խաղողի տունկ մը բլուրի լանջին, գիւղի ետե-
ւը: Հոն դուն մօտիկ կ'ըլլաս մեղ՝ եւ ոչ ոք կրնար վնասել
քեզ», — ըսաւ ուրիշ ուզմիկ մը:

— Այն ատեն ես պիտի չկարենամ զգալ փոքրիկ տղա-
ներու ձեռքերուն հպումը, — պատասխանեց աղջիկը: Ո՛չ,
այդ բլուրը շատ բարձր է ինձ համար: Վերադարձէ՛ք ձեր
զիւղը, ես կը հետեւիմ ձեղ եւ ինձ համար տեղ մը կը
կտնեմ:

Հինգ երիտասարդները ճամբայ ելան դէպի տուն եւ
աստղ աղջիկը տարածեց իր թեւերը անոնց վրայ ու հետե-
ւեցաւ անոնց:

Ճամբան աստղ աղջիկը թուաւ փոքրիկ լճակի վրայէն
եւ տեսաւ իր պատկերը լճակի ջուրերուն մէջ:

— Օ՛, — բացագանչեց աղջիկը — հիմա ես գտայ իմ
տունը: Ես կը մնամ հոս, այս ջուրերուն մէջ: Հոս ես կրնամ
դիտել արագ սլացող նաւակները, հոս փոքրիկ տղաները
կրնան իմ խաղընկերներն ըլլալ:

Աստղ-աղջիկը մեղմ եւ հանդարտ սուզուեցաւ լճակին
ջուրերուն մէջ հանգստանալու համար:

Անոր ճերմակ զգեստները դարձան ճերմակ ծաղիկի
թերթիկներ եւ շրջապատեցին ոսկէ աստղը:

Եւ այդ օրուընէ ասղին մենք ունեցանք աղուոր ջրա-
շուշանը, որ կը բռւսնէ լճակներու ջուրերուն մէջ, ափերուն
մօտիկ:

Խարոյիլ — բաց օդի մէջ վառուած կրակ
Հնդիկ — Ամերիկայի հին ժողովուրդը, կարմիր մոր-
թով

Ռազմիկ — կռուող, զինուոր
Իմաստուն — շատ խելացի
Խարսեաշ — շէկ
Ծխամորձ — մէջը ծակ փայտ, որով ծխախոտ կը ծխեն
Խաղաղութեան ծխամորձ — Ամերիկայի հնդիկները
երբ ուզեն խրարու հետ բարեկամանալ, մէկը կը վառէ
ծխամորձը, նախ ինքը կը ծխէ, ապա միւսներուն կուտայ
ծխելու

Կճղակ — կարգ մը կենդանիներու, (օրինակ, կով, ոչ-
խոր, գոմէշ) ոտքերուն վարի մասը երկուքի բաժնուած է.
այդ երկու մասերը կճղակ կը կոչուին

Հպում, հպիլ — դպչիլ, քսուիլ:

ՀԱՆԵԼՈՒԿ

Ան ի՞նչ է՝
Կը կապեմ՝ կը քալէ,
Կը քակեմ՝ կը քնանայ:

Զիւն, կակո'ւղ ձիւն, սպիտակ ձիւն,
Զգո'յշ իջիր դաշտերուն.
Ծաղիկները մտեր են քուն,
Զգո'յշ իջիր դաշտերուն:

Հանդա՛րտ, զգո'յշ իջիր այնպէս,
Ծաղիկները չարթննան,
Գրկէ զանոնք քնքոյշ ու հեղ,
Զգո'յշ, զգո'յշ, չարթննան:

Զիւն, կակո'ւղ ձիւն, սպիտակ ձիւն,
Հանդարտ, խաղաղ իջիր վար,
Ծաղիկները մտեր են քուն,
Ծաղիկները ցրտահար:

Գ. ՍԱՐԵԱՆ

Սպիտակ — ճերմակ
Քնքոյշ — կակուղ, թեթեւ
Հեղ — բարի
Ցրտահար — ցուրտէն ծեծուած:

ՔԵՐԱԿԱՆՈՒԹԻՒՆ

Բառերուն վերջը երբ ո գրելու ըլլանք, ո-էն ետքը
միշտ յ կը դրենք, օրինակ՝ յետոյ, դժխոյ:

ՅԻՍՈՒՄԻ ՏՕՆԱԾԱՌԸ

Ենունդին նախորդ օրն էր, ցուրտ, շատ ցուրտ օր մը:

Հինգ վեց տարեկան փոքրիկ տղայ մը այդ առառու արթընցաւ ցուրտ եւ խոնաւ գետնայարկ նկուղի մը մէջ: Տղան հազած էր հին դիշերանոց մը եւ կը դողար ցուրտէն: Փոքրիկ տղան շատ անօթի էր:

Ան քանի մը անգամ մօտեցաւ անկողնին վրայ պառկած իր մօրը, չօշափեց անոր դէմքը եւ զարմացաւ որ մայրը չի շարժիր եւ այնպէս պաղ է, ինչպէս պատը:

— «Ի՞նչ պաղ է հոս», — խորհեցաւ փոքրիկ տղան, փնտոեց, գտաւ իր գլխարկը եւ փողոց ելաւ:

Տէ՛ր Աստուած, այս ի՞նչպիսի քաղաք է:

Փոքրիկ տղան այդպիսի քաղաք երբեք տեսած չէր:

Այն գիւղը, ուրկէ եկած էր պղտիկ տղան, դիշերը փողոցները խաւար էին: Հոն փոքրիկ, փայտաշէն տուներու դուռները երեկոյեան կանուխ կը գոցէին եւ ուշ ատեն դուրս մարդ չէր մնար: Ամէն մարդ կը մանէր իր տունը, իսկ դուրսը միայն շուները կը հաջէին ու կ'ունային: Բայց հոն պղտիկ տղուն տունը տաք էր եւ իրեն կերակուր կուտային: Իսկ հոս, — ա՛խ, Աստուած իմ, դէմք պատառ մը հաց ըլլար:

Աս ո՞րչափ աղմուկ կայ հոս, որչափ լոյս, որքան մարդիկ ու կառքեր, եւ ինչպէս ցուրտ է, ցուրտ:

Փոքրիկ տղուն մատները ցուրտէն ցաւիլ սկսան:

* * *

Ահա ուրիշ փողոց մը եւս, եւ ո՞րչափ լոյս է այս փողոցը: Իսկ ա՞ս ինչ է: Խոշոր աղակիին ետեւը սենեակ մը եւ սենեակին մէջ ծառ մը, որ մինչեւ առաստաղ կը հասնի:

Ատիկա տօնածառ մըն է, եւ վրան որքան լոյսեր, որքան ոսկեզօծ թուղթեր ու խնձորներ, ժաղաւէններ, զանգակներ կան եւ շուրջը տիկնիկներ ու փոքրիկ ձիեր: Սենեակին մէջ կը վազվզեն գեղեցիկ, մաքուր հագուած երեխաներ, կը խնդան, կը խաղան, կ'ուտեն եւ կը խմեն:

Ահա աղջիկ մը սկսաւ պարել տղու մը հետ: Ի՞նչ սիրուն աղջիկ է: Ապակիին ետեւէն երաժշտութեան ձայնը կուգայ:

Կը նայի պղտիկ տղան, կը զարմանայ, նոյնիսկ կը խընդայ: Իր ոտքերուն մատները կը ցաւին, իսկ ձեռքերուն մատները այնպէս պաղեր են ցուրտէն, որ այլ եւս չեն ծալւըիր:

Ահա ուրիշ աղակիի մը ետեւ նորէն սենեակ մը: Հոն ալ ծառ կայ, իսկ սեղանին վրայ ամէն տեսակ կարկանդակներ՝ նուշէ կարկանդակ, կարմիր կարկանդակ, դեղին կարկանդակ: Սենեակին դուրսի դուռը յաճախ կը բացուի եւ ամէն անգամ մարդիկ ներս կը մտնեն: Տիկիններն անոնց կարկանդակ կուտան:

Պղտիկ տղան կամացուկ մը մօտեցաւ, դուռը բացաւ եւ ներս մտաւ:

Ա՛խ, ինչպէս ամէնքը պոռացին անոր վրայ եւ իրենց ձեռքերը թափահարեցին: Տիկիններէն մէկը արագ մօտեցաւ պղտիկ տղուն, փոքրիկ դրամ մը դրաւ անոր ձեռքը, դուռը բացաւ եւ փողոց հանեց զինքը:

Տղան սաստիկ վախցաւ: Իր ձեռքին դրամը դուրս սահեցաւ եւ ինկաւ աստիճաններուն վրայ: Տղան չէր կրնար ծալլել ցուրտէն սառած իր մատները եւ պահել դրամը:

Պղտիկ տղան վողոց ելաւ եւ սկսաւ արագ գալել, ինքն ալ չէր գիտեր, թէ դէպի ուր: Ան կ'ուզէր լալ, բայց կը վախնար: Եւ կը վազէր, կը վազէր ու կը փէքէր իր մատնե-

բուն վրայ: Պղտիկ տղան այնպէ՞ս մինակ էր եւ այնպէ՞ս կը վախնար:

* * *

Մէյ մըն ալ նայեցաւ եւ Աստուա՛ծ իմ, ի'նչ տեսնէ: Ա-պակիին ետեւ, պատուհանին մէջ երեք տիկնիկներ կան դեղեցիկ զարդարուած, կարմիր եւ դեղին հագուստներով: Այնպէս գեղեցիկ են, որ կը խորհիս թէ իրական են: Ծերու-նի մը նստած է անոնց քովը եւ քեղի կը թուի, թէ ջութակ կը նուագէ: Երկու ուրիշ ծերունիներ ալ կեցած են անոնց քովիկը եւ քեղի անանկ կուգայ, թէ անոնք ալ կը նուագեն իրենց պղտիկ ջութակները եւ կ'օրրեն իրենց գլուխները: Անոնց շրթունքները կը շարժին, անոնք կը խօսին, իրական կը խօսին, միայն թէ ապակիին ետեւէն իրենց ձայնը չի լսուիր:

Պղտիկ տղան խորհեցաւ, թէ անոնք իրական են, բայց երբ հասկցաւ թէ խաղալիքներ են, մէկէն խնդալ սկսաւ: Ան երբեք ատանկ տիկնիկներ տեսած չէր եւ չէր գիտեր թէ ա-տանկ տիկնիկներ ալ կան:

Յանկարծ պղտիկ տղան զգաց, որ մէկը ետեւէն բռնեց իր հագուստին փէշը: Խոշոր, չար տղայ մը կեցած էր իրեն քովը: Մէյ մըն ալ խոշոր տղան ուժով զարկաւ պղտիկ տը-դու գլխուն, խլեց անոր գլխարկը եւ ոտքը դրաւ պղտիկին ստքերուն առջեւ: Պղտիկը գետին գլորեցաւ, վախցաւ, ելաւ տեղին եւ սկսաւ վազել, վազել: Վազեց, մտաւ անծանօթ տունի մը բակը եւ նստաւ փայտերուն ետեւը:

* * *


«Հոս մութ է, հոս զիս չեն կրնար գտնել», — խորհեցաւ պղտիկը:

94

Նստեր, կծկուեր էր եւ վախէն չէր կրնար չունչ առնել: Յանկարծ պղտիկ տղուն ձեռքերն ու ոտքերը դադրեցան ցա-ւել է եւ ինքն այնպէ՞ս տաք զգաց, այնպէ՞ս տաք, կարծես վառարանի մը քովը նստած ըլլար: Քիչ էր մնացեր որ քնանար:

«Քիչ մը կը նստիմ հոս եւ նորէն կ'երթամ նայելու տիկ-նիկներուն», — խորհեցաւ տղան եւ յիշելով տիկնիկները ժպտեցաւ: «Կը խորհիս թէ իրական են», — ըստ ինքն իրեն:

Հիմակ ալ տղուն այնպէս թուեցաւ, թէ իր մայրը կե-ցած է իրեն քով եւ կ'երգէ:



«Մայրի՛կ, ես կը քնանամ. ա՛խ, ի'նչ լաւ է քնանալ հոս», — մըմնջեց տղան:

— Եկուր քեզ տանիմ իմ տօնածառին, տղա՛ս, — շշնջեց անոր ձայն մը:

Պղտիկ տղան խորհեցաւ թէ այդ իր մայրն է:

95

Բայց ո՞չ, այդ իր մայրը չէր:

Սակայն այդ ո՞վ է, որ կը կանչէ զինքը:

Ահա մարդ մը ծռեր է իրեն վրայ եւ գրկեր է զինքը:

Պղտիկ աղան իր ձեռքը մեկնեց մարդուն եւ, յանկարծ, ի՞նչ տեսնէ՝ աս ո՞րչափ լոյս, աս ի՞նչ աղուոր տօնածառ: Ատանկ տօնածառ ան երբեք տեսած չէ: Ամէն ինչ պայծառ, ամէն ինչ փայլուն, իսկ չորս կողմը՝ աս ո՞րչափ տիկնիկներ...

Բայց ո՞չ, ասոնք տիկնիկներ չեն, այլ տղաներ եւ աղջիկներ: Եւ ամէնքն ալ այնպէ՛ս դեղեցիկ են, այնպէ՛ս պայծառ: Անոնք դարձան պղտիկ տղուն չուրջը, թռան ասդին անդին եւ համբուրեցին զինքը: Ետքը վերցուցին պղտիկ տըղան եւ տարան:

* * *

Հիմա պղտիկ տղան ինքն ալ կը թոխ անոնց հետ եւ կը տեսնէ իր մայրիկը: Մայրիկը կը նայի իր տղուն վրայ եւ կը խնդայ:

— Մայրիկ, մայրիկ, ի՞նչ լաւ է հոս, մայրիկ, — կը կանչէ տղան եւ ինքն ալ կը համբուրէ միւս երեխաները:

— Ո՞վ էք դուք, տղանե՛ր, ո՞վ էք դուք, աղջիկնե՛ր, եւ ի՞նչ տօնածառ է աս, — կը հարցնէ տղան:

— Ասիկա Յիսուսին տօնածառն է, — կը պատասխանեն անոնք: Ամէն տարի, այս օրը, Քրիստոս տօնածառ մը կը պատրաստէ այն տղոց համար, որոնք հոն, երկրին վրայ տօնածառ չունին:

Պղտիկ տղան հասկցաւ, որ այս տղաքն ու աղջիկները իրեն նման երեխաներ են, բայց անոնք ամէնքն ալ հոս, երկինքն են, Քրիստոսին քով: Քրիստոս կեցած է անոնց մէջ-տեղը, իր ձեռքերը տարածած է անոնց գլուխներուն վրայ եւ կ'օրհնէ զանոնք ու իրենց մայրիկները: Իսկ այս երեխա-

ներուն մայրիկները կեցած են հոն, քիչ մը հեռուն եւ կուլան:

Ամէն մէկ մայր կը ճանչնայ իր տղան կամ աղջիկը: Երեխաները կը թռին իրենց մայրերուն քով, կը համբուրեն զանոնք, իրենց փոքրիկ ձեռքերով կը սրբեն անոնց արցունքները եւ կը խնդրեն, որ մայրիկներն ա՛լ չլան, քանի որ իրենք երջանիկ են հոս:

* * *

Յաջորդ առտու դռնապանը, բակին մէջ, վառելու փայտերուն ետեւը, գտաւ ցուրտէն մեռած պղտիկ տղու մը դիակը:

Փնտուցին եւ գտան նաեւ իր մայրը:

Ան՝ իր տղայէն աւելի կանուխ մեռեր էր գետնայարկն կուղին մէջ:

Նախորդ — ասկէ առաջ

Գետնայարկ — գետնին վրայ, առաջին յարկը

Նկուղ — գետնայարկ պղտիկ սենեակ

Խաւար — շատ մութ

Կարկանդակ — խմորով եւ անուշով շինուած ուտելիք

Թափահարել — շարժել, օրբել

Բակ — տունին քով փոքրիկ տեղ մը պատերով շրջապատած

Դիակ — մեռած մարմին:

ՀԱՆԵԼՈՒԿ

Ան ի՞նչ է՝

Տակառ մը ունիմ՝ մէջը երկու դոյնի ջուր:

ԵՐԱԶԻՍ ՏԵՍԱՅ...

Երազիս տեսայ, որ մայրս թշուառ
Շէն քաղաքի մէջ ինկած փողոցներ,
Այնպէ՞ս դողդոջուն, հիւանդ ու անձար
Մնց ու դարձողին ձեռքը կը մեկնէր:

Երազիս տեսայ, որ իմ մայրը ծեր,
Ցնցոտիներով պատած մուրացկան,
Էւ մարդիկ անգութ, անտարբե՛ր, անսէ՛ր
Կ'անցնէին առանց նայելու վրան:

Եւ երազիս մէջ ես երկա՛ր լացի,
Ու երբ արթնցայ՝ արցունքս կը հոսէր.
Ա՛խ, որքա՞ն մայրեր՝ խե՛ղճ, առանց հացի
Մեր շուրջ կը դառնան եւ մենք չենք տեսներ...

Ա. ԻՍԱՀԱԿԵԱՆ

Շէն — հարուստ

Ցնցոտի — պատուած զգեստ
Մուրացկան — աղքատ մարդ:

ՀԱՆԵԼՈՒԿ


Ան ի՞նչ է՝
Աչք չունի, ոտք չունի,
Բայց կոյրերուն ճամբայ կը ցուցնէ:

Պ Ո Ւ Պ Ր Ւ Կ Ը

Հելենան, Հրանտը եւ Սուրէնը խաղընկերներ էին: Երեքն ալ աղքատ ծնողներու զաւակներ:

Սուրէնը տասը տարեկան էր, իսկ Հրանտը՝ ինը տարեկան: Հելենան անոնցմէ աւելի պղտիկ էր:

Աշնան օր մը երեքը միասին կը խաղային փողոցը, երբ Հելենան պարտէղի մը ցանկալատէն ներս նայելով, ծառի մը տակ տեսաւ աղուոր պուսլըիկ մը: Ճերմակ հագուստներով, շէկ, գանգոսը մազերով եւ կապոյտ աչքերով այդ պուսլըիկը շատ գեղեցիկ էր:



Հելենան երբեք այդպէս պուսլըիկ տեսած չէր: Հելենան շատ կ'ուղէր այդպէս պուսլըիկ մը ունենալ:

— Հրանտ, Սուրէն, պուսլըիկը, պուսլըիկը, — բա-

ցագանչեց Հելենան: Տեսէ՛ք, տեսէ՛ք, ճիշդ այն ծառին
տակ: Ա՛խ, ինչպէս սլիտի ուղէի ունենալ այդ պուպրիկը:

— Ես կը բերեմ այն քեզ համար,— ըստ Հրանտը եւ
ցանկապատին վրայէն ցատկեց պարտէզը:

Քիչ ետքը Հելենան աղուոր պուպրիկը դրկած տուն
կ'երթար:

Հելենան մինչեւ երեկոյ խաղաց իր պուպրիկին հետ. ա-
նոր թեւերէն բոնած կը քալեցնէր, կը համբուրէր եւ իր
կուրծքին կը սեղմէր:

Հելենան մայր չունէր: Իր հայրը բանուոր մըն էր, ա-
նունը Թովմաս:

Բանուոր Թովմասը ցորեկը գործի կ'երթար եւ երեկոյ-
եան տուն կը վերադառնար: Հելենան ամբողջ օրը մինակ կը
մնար տունը:

* * *

Երեկոյ եղաւ, բայց Հելենային հայրը գեռ տուն վերա-
դարձած չէր: Հելենան կը շարունակէր խաղալ իր պուպրի-
կին հետ:

«Հարկաւ այս պուպրիկը անուն մը ունի», — խորհեցաւ
Հելենան: Բայց Հելենան անոր անունը չէր գիտեր: Հելե-
նան նոր անուն մը տուալ իր պուպրիկին՝ Միլէ:

Հելենան գրկեր էր իր պուպրիկը, կ'օրէր եւ կ'ըսէր.

— Ալ ձեր տունը պիտի չերթաս, հա՞: Քնացիր հո՛ս, իմ
աղուոր Միլէ: Երբ հայրիկիս ոտքերուն ձայնը լսես, չար-
թըննա՛ս: Երբ հայրիկս պոռայ, չվախնա՛ս, ան պուպրիկ-
ներուն չի բարկանար: Օրօ՛ր, օրօ՛ր, իմ աղուոր Միլէ:

Հելենան պառկեցուց պուպրիկը, նստաւ անոր քովը եւ
կը նայէր, թէ ինչպէս ան կը քնանար, երբ լսեց իր հօր
ձայնը.

— Հելենա՛, դուռը բա՛ց, Հելենա՛:
Հելենան բացաւ դուռը:

Բանուոր Թովմասը ներս մտաւ, գլխարկը դրաւ անկիւն
մը, նստաւ սեղանին առջեւ եւ ըստ աղջկան.

— Հելենա՛, դաւա՛կս, կ'ըսէիր, թէ կօշիկներդ պատըո-
տեր են: Բե՛ր, անդամ մը նայիմ, թէ ի՞նչ կրնամ ընել: Նոր
կօշիկ առնելու դրամ չունիմ, դաւա՛կս: Այս անդամ ալ ես
կը կարկտեմ կօշիկներդ: Համբերէ՛, աղջի՛կս, մինչեւոր
դրամ վաստկեմ եւ քեզ համար զոյդ մը աղուոր կօշիկ գնեմ:

Բանուոր Թովմասը վերցուց Հելենային պատուած կօ-
շիկները, սեղանին վրայ դրուած ճրագը մօտեցուց իրեն եւ
կը պատրաստուէր գործի սկսելու, երբ իր հայեացքը ինկաւ
Հելենային պուպրիկին վրայ:

Բանուոր Թովմասը աչքերը լայն բացաւ, յօնքերը խո-
ժուեց եւ անդամ մը Հելենային նայեցաւ, անդամ մը պուպ-
րիկին:

— Ուրկէ՞ է այս պուպրիկը, գողցե՞ր ես, հա՞, անպի-
տա՞ն աղջիկ, — պոռաց հայրը տեղէն վեր ելլելով:

Հելենան վախէն դողալ սկսաւ.
— Ըսէ՛, ըսէ նայիմ, ուրկէ՞ առիր այդ պուպրիկը, —
բարկացած կը պոռար հայրը:

— Ե՛ս չգողցայ, հայրի՛կ, Ե՛ս չգողցայ. Հրանտը վեր-
ցուց եւ ինձ տուաւ, — պատասխանեց Հելենան վախէն դո-
ղալով:

— Հրա՛նտը, հա՞, նորէ՞ն այդ Հրանտին հետ կը խաղա-
յիր, հա՞: Կեցի՛ր, անդամ մը որ բոնեմ այդ Հրանտը, իր
ականջները պիտի փրցնեմ: Ըսէ՛, ըսէ՛, ո՞ւրտեղէն առիք
այդ պուպրիկը, — կրկին հարցուց հայրը:

Հելենան արցունքները կլլելով պատմեց, թէ ինչպէս
Հրանտը ներս ցատկեր էր կապոյտ տան պարտէզը եւ առեր
էր պուպրիկը:

Թովմասը շատ լսւ կը ճանչնար այդ կապոյտ տունը:
Ատիկա մեծ գործարանին տիրոջ տունն էր: Ուրեմն պուպ-

ըիկը գործարանին տիրոջ աղջկան պուպրիկն ըլլալու է:
թովմասը խորհեցաւ տանիլ պուպրիկը եւ տիրոջը վերա-
դարձնել:

— Հելենա', աղջիկս, աղջկ բան չէ ըրածդ, գողութիւ-
նը լաւ բան չէ: Ա՛խ, այդ Հրանտը, անդամ մը ձեռքս անց-
նի, տես թէ ի՞նչ պիտի ընեմ իրեն, — ըստ թովմասը, առաւ
պուպրիկը եւ դուրս ելաւ տունին:

Հելենան սկսաւ բարձր ձայնով լալ:

* * *

թովմասը պուպրիկը դրաւ անութին տակ եւ շիտակ
գնաց գէպի գործարանին տիրոջ տունը: Երբ զանդը տունաւ,
սպասուհի մը բացաւ դուռը: Սպասուհին, տեսնելով բան-
ուոր թովմասին հին եւ մաշած հագուստները, բարկացած
հարցուց.

— Ի՞նչ կ'ուզես:

— Տանտիրուհին նե՞րսն է, — ըստ թովմաս:

— Այո', բայց դուն ո՞վ ես եւ ի՞նչ կ'ուզես, — կրկին
հարցուց սպասուհին:

Ճիշդ այդ միջոցին տանտիկինը, որ չար դէմքով կին
մըն էր, երեւցաւ սանդուխքին գլուխը:

— Ասիկա երեւի ձեր աղջկան պուպրիկն է, — ըստ թով-
մասը դիմելով տանտիկնոջը: Իմ անպիտան աղջկիկը գող-
ցած է զայն ձեր պարտէզին: Ներեցէ՛ք, տիկին, իմ աղջիկը
մայր չունի, ատոր համար այդպէս անսառակ է, — այսպէս
խօսելով թովմասը պուպրիկը դրաւ սանդուխքի տատիճան-
ներուն վրայ:

— Աս մեր Զապէլին պուպրիկն է, որ դուրս նետած
էինք: Ատոր համար պէտք չունէիր հոս դալ եւ վիս անհան-
գիստ ընել, — ըստ տանտիկինը թովմասին:

Ապա դառնալով դէպի սպասուհին, բարկացաւ անոր
վրայ.

— Իսկ դուն պէտք չէ որ ասանկ մարդոց առջեւ դուռ
բանաս. ո՛վ գիտէ, մուրացիկ է, թէ գող մըն է, — ըստ
կունակը դարձուց եւ մտաւ ներս:

Թովմասը սաստիկ վիրաւորուեցաւ չար կնոջ այդ կոշտ
վարմունքին: Ան կ'ուզէր ըսել այդ կնոջը. «Տիկին, ես մու-
րացիկ չեմ, ես եկած չեմ բան մը խնդրելու ձեզմէ: Հելենան
այնպէ՞ս կուլար այս պուպրիկին համար, բայց ես առի իր
ձեռքին, քանի որ ասիկա ձեր աղջկան կը պատկանի»:

Թովմասը կ'ուզէր ըսել այս բոլորը, բայց տանտիկինը
արդէն հեռացեր էր:

Սպասուհին ալ մօտեցաւ եւ դուռը գոցեց թովմասին
քթին տակ:

* * *

Թովմասը մնաց դուրսը, ապա գլուխն օրօրելով սկսաւ
քալել: Կը քալէր եւ ճամբան կը խորհէր.

«Ասա՞նկ ալ բան: Այդ չար կնոջ աղջիկը կրնայ միշտ
նոր պուպրիկ ունենալ եւ հինը դուրս նետել, իսկ իմ խեղճ
Հելենան հին պուպրիկ մըն ալ չի կրնար ունենալ: Ասա՞նկ
ալ բան»:

Այսպէս խորհելով թովմասը հասաւ տուն: Երբ ներս
մտաւ, տեսաւ որ, Հելենան անկողնին վրայ ինկած տակա-
ւին կուլար: Թովմասը շատ ցաւ զգաց իր աղջկան համար:

— Հելենա', — ըստ թովմասը քնքոյշ ձայնով:

Հելենան վեր նայեցաւ, խորհելով թէ հայրը պուպրիկը
յետ բերած է: Բայց երբ տեսաւ, որ պուպրիկը հօր ձեռքը
չէ, աւելի բարձր ձայնով լալ սկսաւ:

— Հելենա', աղջիկս, մի՛ լար: Ծնունդին ես քեզ համար
աղուոր պուպրիկ մը պիտի գնեմ: Մի՛ լար, աղուո՛ր աղ-
ջիկս, մի՛ լար: Համբերէ՛, աղջիկս, քիչ մը դրամ վաստը-
կեմ, տես թէ ի՞նչ աղուոր պուպրիկ պիտի առնեմ, — կ'ըսէր
հայրը քնքոյշ ձայնով:

Հելենան հետզհետէ հանդարտեցաւ, լացը դադրեցուց
եւ պառկեցաւ քնանալու:

Թովմասը նստաւ սեղանին առջեւ եւ սկսաւ Հելենային
պատուտած կօշիկները կարկտել: Կը կարկտէր եւ կը մտա-
ծէր, թէ արդեօք պիտի կարենա՞յ այնքան դրամ տնտեսել,
որ Հելենային համար խոշոր, աղուոր պուազրիկ մը գնէ:

Իսկ Հելենան կը քնանար եւ երազին մէջ կը տեսնէր
կապոյտ աչքերով եւ գանգուր մազերով պուազրիկ մը, որ
պղտիկ աղջկան մը պէս անուշ ձայնով կը խօսէր իրեն հետ:

ՀԱՄԱՍԵԴ

Յանկապատ — պարտէզներու շուրջ փայտէ կամ երկա-
թէ ցածրիկ պատ

Պուազրիկ (հայերէն բառ չէ) — տիկնիկ, խրծիկ

Ճրագ — լամպար

Խոժոռել — բարկացած դէմք շինել

Անութ — թեւին տակը:

ՔԵՐԱԿԱՆՈՒԹԻՒՆ

Բառերուն վերջը դրուած յ (յի) տառը չենք կարդար:
Օրինակ, կը գրենք երեխայ, քահանայ, տղայ, արքայ,
բայց կը կարդանք երեխա, քահանա, տղա, արքա:

Կան միայն քանի մը բառեր, որոնց վերջը դրուած յ
(յի) տառը կը հնչենք, օրինակ՝ հայ, բայ, խոյ, ճայ:

ՀԱՆԵԼՈՒԿ

Ան ի՞նչ է՝

Եթէ երկար ատեն չդամ, ամէնքը զիս կը կարօտնան,
բայց եթէ փողոցը դիմացս ելլեն, ամէնքն ինձմէ կը փախ-
չին:

ԾԻԼԵՐՈՒԻ ԹԱԳԱԽՈՐԾ

Ժողվեցան օր մը ծառ ու ծիլ բոլոր
Որ իրենց համար ընտրեն թագաւոր:
Շատ խորհուրդ ըրին ու եկան ապա
Հսին ձիթենուն.

— Եղի՛ր թագաւոր, իշխէ՛ մեղ վրայ:
— Իմ ի՞նչ գործըս է, — ըսաւ ձիթենին, —
Ես իմ գործս ունիմ, չէ՞ լաւին, վատին
Սնունդ պիտ բաշխեմ իմ պտուղներով.
Ես ի՞նչպէս իշխեմ իմ բարութիւնով:
Նորէն խորհեցան ու եկան հիմա
Հսին թզենուն.

— Եղի՛ր թագաւոր, իշխէ՛ մեղ վրայ:
— Ո՞չ, ես յարմար չեմ, — ըսաւ թզենին.
Ես հաճելի եմ գէշ ու աղէկին
Քաղցրիկ ու անուշ իմ պտուղներով.
Ես ի՞նչպէս իշխեմ իմ բարութիւնով...
Նորհուրդի նստան եւ խաղողենուն
Եկան դիմեցին.

— Աս ինչե՞ր կ'ըսէք.

Զգեմ իմ գինին՝ ոսկի ու պայծառ,
Որ ցնծութիւնով կը լեցնէ աշխարհ,
Զուարթ երգերէս կը թնդան սար ձոր.
Չէ՛, իմ գործը չէ ըլլալ թագաւոր...

* * *

Երկար խորհեցան ծառ ու ծիլ բոլոր,
Որ չար տատասկը ընեն թագաւոր.

Ծառ ու ծիլ բոլոր ժողվեցան, եկան
Եւ հեղ ու խոնալու խնդիրքի կեցան.
— Եղի՛ր թագաւոր, իշխէ՛ մեղ վրայ:
— Կ'ըլլա՛մ թագաւոր, ես ատոր համար
Իմ սուր փուշերով շատ, շատ եմ յարմար,
Կը խոցեմ խորը, ու վա՛յ անոր որ
Զը հնազանդի օրէնքիս հզօր.
Եկէ՛ք թուփիս տակ, մտէ՛ք ապաստան . . . —
Հսաւ, եւ սրեց փուշերը դաժան:
ԱԻ. ԻՍԱՀԱԿԵԱՆ

Ձիթենի — ձիթապտուղի ծառ
Ծիլ — հողէն նոր դուրս եկած պղտիկ բ
Սնունդ — ուտելիք
Բաշխել — նուիրել, բաժնել
Թղենի — թուղի ծառ
Ցնծութիւն — ուրախութիւն
Տատասկ — փուշ
Խոնարհ — ուրիշին խօսքը մտիկ ընող
Դաժան — չար, դէշ:

ՔԵՐԱԿԱՆՈՒԹԻՒՆ
Պառակ տուող ծառերուն անունները կը կազմենք երկու
բառերով. օրինակ, կ'ըսենք խնձորի ծառ, տանձի ծառ,
թուզի ծառ: Բայց մենք կընանք պառակ տուող ծառին ա-
նունը կազմել նաեւ մէկ բառով: Խնձորի ծառ ըսելու փոխա-
րէն կընանք ըսել խնձորենի, տանձի ծառին փոխարէն՝
տանձենի, եւ ուրիշ շատ ծառերու անուններ, ինչպէս օրի-
նակ, սալորենի, ընկուզենի, կեռասենի, նարինջենի, ձի-
թենի, թզենի: Այդ պարագային լո՞նչ է որ կ'ընենք: Կ'առ-
նենք պառակի մը անունը՝ օրինակ խնձոր կամ տանձ, եւ
վերջը կ'աւելցնենք և՛ի մասնիկը եւ կ'ըլլայ խնձորենի եւ
տանձենի:

ՄԱՐԴԻ ՈՒ ՀՐԵՎԸ

Շատ դարեր առաջ, հին ժամանակը
Երբ հրաշքներով լի էր աշխարհքը,
Մէկ բարի, համեստ ընտանիք կ'ապրէր
Խաղաղ, երջանիկ, մէկ մէկու ընկեր:
Մարդը կ'աշխատէր, դրամ կը բերէր,
Իսկ կինը տունին գործերը կ'ընէր.
Բայց օր մը բախտը երեսը դարձուց
Եւ մեր խեղճ մարդը գործը կորսնցուց.
Եւ ատոր հետ ալ թէ՛ հարստութիւն,
Թէ՛ երջանկութիւն, թէ՛ առողջութիւն:
Գէշ տկարացաւ, ինկաւ անկողին,
Զէր կրնար դառնալ աջէն ձախ կողին,
Ամէն բան պէտք է իր կինը ընէր,
Թէ հիւանդ պահէր, թէ ապրուստ ճարէր.
Գիշեր ու ցորեկ պէտք է աշխատէր,
Որ զաւակները սովէն ազատէր:

Տարիներ անցան, մարդը՝ չ'աղէկցաւ
Ու կինը մարդը հոգալ ձանձրացաւ.
«Ի՞նչ ես տուն կեցեր, — ըաւ ան մարդուն,
Գլխուս ցաւ դարձեր, կտրեր ես իմ քուն.
Մինչեւ ե՞րբ պէտք է այսպէս չարչարուիմ,
Կեանքըս մաշելով քեզ ապրուստ ճարեմ.
Ելի՛ր, թէ հայր ես, գլուխդ քա՛րը տուր,
Տղոցըդ համար ճարէ կերակուր»:

Պատասխան տուաւ խեղճ, հիւանդ մարդը.
— Զի՞ բաւեր ինծի իմ ցաւն ու դարդը.
Քանի ունէի բան մը խնայեցի՞,
Առողջ ատենըս ես ծոյլ մնացի՞:
Այժմ աղքատ եմ, եւ այսպէս տկար,
Խեղճ եմ, մի տանջեր գուն զիս անդադար:
Բայց անգութ կինը խօսք մտիկ չըրաւ
Եւ հիւանդ մարդը տունէն դուրս ըրաւ:

«Գնա՛ ուր կ'ուզես, գլխէս հեռացի՛ր,
Դուն այսքան տարի զիս չարչարեցիր.
Որքան ալ խնդրես, լսս եւ աղաչես
Ալ ներս չեմ առներ քանի աղքատ ես»:
— Լա՛ւ, — ըսաւ մարդը ձայնով տխրագին,
Կ'երթամ, կը կորչիմ, ո՛վ դուն անգութ կին
Գոնէ պատառ մը հաց տուր որ տանիմ
Անօթութենէ ճամբան չը մեռնիմ:

Կինը դուրս բերաւ տուաւ երկու հաց
Ու խղճուկ մարդը հեռացաւ, գնաց:
Չգեց իր տունը, բախտն անիծելով
Եւ քալեց մոլոր, անհաստատ քայլով:
Ինքն ալ չէր գիտեր դէպի ո՞ւր կ'երթար
Միայն թէ պէտք է տունէն հեռանար.
Շատ գնաց թէ քիչ, ու ճամբուն վրան
Տեսաւ ինկած է մէկ մազէ պարան:
«Վերցընեմ, — ըսաւ, — օր մը պէտք կուզայ
Ո՛վ գիտէ ճամբուս ո՛րքան փորձանք կայ»:
Վերցուց պարանը իր ծոցը դրաւ,

Աղբիւրի մը քով նստաւ, հաց կերաւ,
Ու նորէն ելաւ, ու քայլեց մոլոր
Դէպի անծանօթ վայրեր հեռաւոր:

* * *


Բաւական ճամբայ անցեր էր արդէն
Երբ աղքատ գիւղակ մը ելաւ իր դէմ
Ուր հաւ ու վառեակ քուճում կ'ընէին.
«Երանի ասոնք իմըս ըլլային»,
Խորհեցաւ թշուառ մարդը իր միտքէն
Երբ յանկարծ բան մը դիպաւ իր ոտքին.
Ծուեցաւ, տեսաւ որ խոտերու տակ
Կար խոշոր, աղուոր հաւկիթ մը ճերմակ:
Վերցուց հաւկիթը, դրաւ դրպանը.
«Է՛հ, — ըսաւ, — գո՛հ եմ, ա՛ս ալ բան մըն է».
Ու նորէն քալեց, ով գիտէ ո՛րչափ,
Մինչեւ որ հասաւ գետակի մը ափ:
Միրուն գետակ մ'էր, որ սարէն կուգար
Կ'երթար ջրելու թուփ, ծաղիկ ու ծառ:
Յողնած ճամբորդը շատ ուրախացաւ
Զեռքն ու երեսը լուաց, զովացաւ
Ու ափին մօտիկ քարի մը նստաւ;

Երբ մարդն հաճոյքով շուրջը կը գիտէր,
Տեսաւ որ անդին շատ մը կրիաներ
Գետի աւագուտ ափին ժողվըուեր
Կ'ընէին իրենց կրիայի խաղեր:
Մարդը մօտեցաւ որ պիտի բռնէր
Դէթ հատ մը կրիայ ու իր հետ տանէր,
Իրենց մօտեցող մարդը որ տեսան
Կրիաներն իսկոյն ջուրը նետուեցան:

Բայց մէկը որ շուտ ջուրին չհասաւ
Մարդուն որսն եղաւ ու բռնուեցաւ.
Նոր բարեկամէն գոհ մնաց մարդը
Ու ճամբայ ելաւ օրհնելով բախտը:

* * *

Շատ գնաց թէ քիչ, վերջապէս հասաւ
Լճակի մը մօտ, ու յոզնած նստաւ,
Եւ իր այս դժբախտ, այս տխո՞ւր, թշուտու
Վիճակի վրայ երկա՞ր խորհեցաւ,
Թէ իր գլուխը ո՞ր քարերուն տար,
Որ դրամ ճարէր՝ նորէն տուն դառնար:



Մինչ մարդը ինկած այս միտքերուն մէջ
կը խորհէր տխուր, կը խորհէր անվերջ

Իր ոտքերուն տակ հողը դղրդաց,
Դաշտ, անտառ ու լեռ թնդացին յանկարծ
Եւ իր դէմն եղաւ հրէշ մը ահեղ
Որ կը բնակէր ճիշդ ու ճիշդ այդտեղ
Լճակին դիմաց, այրին մէջ սեւ մութ,
Հսկայ դազան մը, հրէշ մը անդութ,
Որ դարեր երկար բռներ, լափեր էր
Ով այրի քովէն անցնիւ փորձեր էր:

«Բարեւ քեզ,— ըսաւ հրէշը մարդուն,—
Ճիշդ դուն ես փորիս ուզած այցելուն.
Կարծեմ թէ եղաւ մէկ ամբողջ ամիս,
Որ ես կերած չեմ մարդու անուշ միս»:
— Այդ ի՞նչ խօսքեր են, գարշելի՛ դազան.
Դուն կը յանդգնի՞ս ըսել ինձ այդ բան.
Կեցի՛ր հոդ, որ գամ, տեսնես ո'վ եմ ես,
Հիմա գլուխդ կ'ընեմ երկու կէս:
Ըսաւ ու քալեց քովը հրէշին:
Եւ խիստ հայեացքով նայեցաւ դէմքին:
«Ոչ ոք մինչեւ այժմ իմ դէմ չէ ելեր,
Այդպէս բան ըսել չէ համարձակեր,
Ոչ ոք իմ ձեռքէս դեռ չէ ազատեր.
Բայց դուն որ այդպէս մեծ մեծ կը ջարդես
Եկուր մեր ուժը փորձենք՝ դուն եւ ես,—
Ըսաւ հրէշը.— եկո՞ւր որ կոռուինք
Եւ կոռուին մէջէն ով յաղթող ելլէ,
Թող պարտուածին ան ողջ ողջ կըլէ»:

— Թէեւ գիտեմ թէ ես պիտի յաղթեմ,
 Եւ վայրկեանի մէջ քեզ գետին նետեմ,
 Բայց քեզ յաղթելու ատկէ աւելի
 Դիւրին միջոց կայ, գաղա՞ն գարշելի:
 «Լա՛ւ, ըսէ նայիմ, համաձայն եմ ես.
 Դո՞ւն պիտի յաղթես հրէշ մը ինձ ոկո»:
 — Մի՛ աճապարեր, հրէ՛շ բարեկամ,
 Քեզ պիտի փորձեմ ես երեք անդամ.
 Երեք բան ընեմ՝ ընես նմանը,
 Իսկ եթէ չընես, վա՛յ է քու բանը...
 Մէկ մաղ ե՛ս հանեմ, մէկը գո՞ւն հանէ,
 Զափենք ու տեսնենք որո՞ւնն երկայն է.
 Եւ ով աւելի երկայնն ունենայ,
 Ան թո՞ղ մեր մէջը յաղթողը ըլլայ:
 Երկրորդ պայման է՝ եթէ չոր քարէն
 Գոյն գոյն ջուր հանես՝ յաղթող ես նորէն.
 Որու մարմնին վրայ մեծ միջատ ըլլայ,
 Միւսին գլուխը ջարդողն ան ըլլայ:
 «Լա՛ւ, — ըսաւ հրէշն ու մաղ մը հանեց
 Եւ ուրախ ուրախ մարդուն երկարեց:
 — Ա՞յդ է, — խնդաց մարդն ու հանեց ծոցէն
 Գտած պարանը հիւսած սեւ մազէն.
 Երբ տեսաւ հրէշն հիւսած պարանը
 Վախէն բաց մնաց անոր բերանը:
 Ու կատղած կատղած քար մ'առաւ, սղմեց,
 Չեռքին մէջ այնպէս ուժով տրորեց,
 Որ քարը դարձաւ աւազ ու փոշի
 Բայց ջուր չհանեց ուժը հրէշի:
 Մարդն ալ քար մ'առաւ ու գաղտնի հանեց
 Հաւկիթը ծոցէն, քարին հետ սղմեց
 Եւ ճերմակ դեղին ջուր մը դուրս հոսեց:

«Այդ երկու փորձով, — ըսաւ հրէշը, —
 Դուն զիս յաղթեցիր. ցոյց տուր ուրիշը»:
 Մարդը դուրս հանեց գրպանէն կրիան.
 — Ահա՝ միջատս, — ըսաւ, — չա՛ր դաղան,
 Ցոյց տուր նմանը, թէ չէ կը ջարդեմ
 Գլուխդ այդ յիմար, գիտցի՛ր որ մարդ եմ:
 Հրէշըն իսկոյն գլուխըն առաւ
 Ու այն փախչիլն էր՝ փախաւ ու կորաւ:

* * *

Մարդուն ուզածն ալ ձիշդ այդ էր ու այդ
 Հիմա վտանգէ փրկուած էր, աղատ:
 Խոր շունչ մը առաւ, յառաջ շարժեցաւ
 Հրէշին ապրած այրին մէջ մտաւ.
 Մտաւ, ի՞նչ տեսնէ, ի՞նչ գանձեր հազար,
 Ոսկի ու արծաթ, աղամանդ, գոհար,
 Պարկերը լեցուն պատրաստած, շարած,
 Ջիերն ալ անդին ախոռը կապած:
 Ոսկին, արծաթը ձիերուն բարձաւ,
 Օրհնեց իր բախտը, շատ ուրախացաւ
 Դուրս ելաւ այրէն, փա՛ռք տուտւ Աստծուն
 Ու կը պատրաստուէր դառնալ դէպի տուն,
 Երբ տեսաւ նորէն հրէշը կուգար
 Կոնակին վրան ալ աղուէս մը կար:

* * *

Բայց ի՞նչպէս եղաւ, որ մարդէն յաղթուած
 Հրէշը դարձեր յետ կուգար յանկարծ:
 Աղուէսին գործն է, չէ՞ք խորհիր, տղա՛ք,
 Ճարպիկ աղուէսին գործը խորամանկ:
 Մարդէն փախչելով, կարճ միջոցի մէջ
 Հրէշը հասաւ մինչ անտառին վերջ,

Երբ կաղ աղուէս մը դէմն ելաւ անոր.
 «Բարե՛ւ քեզ, — ըսաւ, — իշխան ահաւոր,
 Դուն մեր անտառի հզօր թագաւոր,
 Ադ ո՞ւր կը վաղես, ինչո՞ւ տիսուր ես,
 Խնդրեմ ծառայիդ քու վիշտն ըսես.
 Բանով մը գուցէ կրնամ օդնել քեզ,
 Որ չը տանջուիս, թագաւո՛ր, այդպէս»:
 Հրէշն իսկոյն քանի մը բառով
 Պատմեց աղուէսին, թէ ինչ պատճառով
 Ստիպուած էր փախչիլ, թողուլ տուն ու տեղ
 Յաղթուած մարդէն իրմէ քաջ, զօրեղ:


* * *

«Այդ ինչե՛ր կ'ըսես, — կանչեց աղուէսը,
 Այդ ինչպէս կ'ըլլայ փախչի քեզ պէսը
 Այն ալ խե՛ղճ, տկար մարդէն յաղթուած,
 Զգէ տուն ու տեղ, ե՛ւ ոսկի, ե՛ւ գանձ...
 Օ՛, ինչ ամօթ բան. ո՞վ կը հաւատայ,
 Կամ ի՞նչ պիտ ըսէ ով որ իմանայ...
 Հաւատա՛, տէ՛ր իմ, ան քեզ խարեր է,
 Իր հնարքներով աչքդ կապեր է,
 Եկուր, ինձ լսէ՛, իսկոյն ետ դառնանք
 Չեռքդ ինկած որսը ուրիշին չտանք:
 Քանի դեռ ուշ չէ, չո՛ւտ ըրէ, երթանք,
 Աղուոր ընթրիք մը պիտի ունենանք.
 Շատ կը փափաքիմ մարդու միս ուտել.
 Քանի որ այս ոտքս մարդիկ են կոտրեր»:
 Աղուէսին խօսքերը հրէշը լսեց
 Ու դարձաւ նորէն դէպի այր վաղեց.
 Աղուէսը կաղ կաղ ետ պիտի մնար,
 Խնդրեց հրէշին, թէ՝ «զիս կոնակդ առ»:

Պատմութիւնն այս էր, որ հրէշն յանկարծ
 Դարձեր էր կուգար աղուէս մը շալկած:

* * *

Վայրկեանի մը մէջ, իր կտրուկ խելքով
 Մարդը որոշեց, թէ ինչ հնարքով



Այս վերջին անգամ հրէշը յաղթէ
 Իր կեանքն ու հոգին փրկէ, աղատէ:
 Ու կանչեց. — «ի՛յ գու, խարեբա՛յ աղուէս,
 Այսօր գուն ինձմէ անշուշտ մահ կ'առնես.
 Իմ հաւացին մէջ երբ քեզ բռնեցի,
 Այն պայմանով քու կեանքը ինայեցի,
 Որ գուն ինձ համար երկու հրէշ բերես.

Դուն ալ խոստացար: Այժմ, սեւերես,
 Այսքան սպասեցի մէ՞կը կը բերես,
 Այդ առանց քեզ ալ ունեցեր եմ ես»:
 Հրէն երբ լսեց մարդուն խօսքերը
 Ցից ցից վեր կեցան անոր մազերը.
 «Խորամանկ աղուէս, — մոնչեց, — մեռի՛ր,
 Դուն այդ չար մաքս՝ զիս այստեղ բերիր,
 Որ երկրորդ անգամ զիս մարդուն մատնես,
 Որմէ հազիւ հազ փախայ, պրծայ ես»:
 Եւ ամբողջ ուժով նետեց կռնակէն
 Այն կազ աղուէսը ու զարկաւ գետին
 Իսկ ինքը փախաւ, փախաւ ու փախաւ:
 Իր խելքին ուժով մարդն ազատեցաւ,
 Ու ծունկի եկաւ, Աստծուն փառք տուաւ,
 Ապա երջանիկ ան ճամբայ ելաւ:
 Ուկի արծաթով մարդը տուն դարձաւ
 Երկար տարիներ ուրախ ապրեցաւ:

Հրէշ — լսոշոր, այլանդակ կենդանի
 Միջառ — շատ պղտիկ կենդանի
 Աղամանդ եւ գոհար — թանկագին քարեր
 Գանձ — հարստութիւն
 Հնարք — միջոց
 Սեւերես — ամօթահար:

ԱՆՈՒԷՍՆ ՈՒ ԳԱՅԼԸ

Աղուէսը գրուած թուղթ մը գտաւ, տարաւ գայլին մօտ
 եւ ըստաւ.

— Գա՛յլ եղբայր, շատ չարչարուեցայ, մինչեւ որ կըր-
 ցայ իշխանէն այս թուղթն առնել քեզ համար: Երբ ուեւէ
 գիւղ երթաս, ցոյց տուր աս թուղթը եւ քեզի ոչխար մը
 կուտան: Ոչ մէկ չուն քեզ պիտի չնեղէ:

Գայլն ու աղուէսը միասին գացին գիւղ մը:

Աղուէսը մնաց գիւղէն գուրս, բլուրի մը վրայ, իսկ
 գայլը թուղթն առաւ եւ գիւղը մտաւ:

Գիւղին չուները, երբ տեսան գայլը, յարձակեցան անոր
 վրայ եւ խածեցին, գղեցին, վիրաւորեցին եւ քիչ մնաց որ
 մեռցնէին զինքը:

Գայլը հազիւ կրցաւ աղատիլ անոնց ձեռքէն եւ վիրա-
 ւոր, արիւնաթաթախ փախաւ ու գնաց աղուէսին քով:

Աղուէսը, գայլին այդ վիճակը տեսնելով, հարցուց:

— Ո՞վ այդպէս ըրաւ քեզ:

— Գիւղին չուները, — պատասխանեց գայլը:

— Ինչո՞ւ թուղթու ցոյց չտուիր, — կրկին հարցուց աղ-
 ուէսը:

— Ցոյց տուի, բայց չուներէն ոչ մէկը կարդալ չէր գի-
 տեր, — պատասխանեց գայլը:

Վ. ԱՅԳԵՑԻ

Արիւնաթաթախ — արիւնոտ:

Առվ — անօթութիւն
 Մոլոր — ճամբան կորսնցուցած
 Քուճուճ ընել — հողին մէջ կուտ փնտուել, փրտել (հա-
 ւերը կ'ընեն)
 Կրիայ — փոքրիկ կենդանի, մարմինը ոսկորով պա-
 տած, կրնայ լողալ ջուրի մէջ եւ քալել գետնի վրայ
 Դղրդալ — մեծ աղմուկ հանել
 Թնդալ — ամպի որոտի կամ թնդանօթի ձայնի նման
 զօրաւոր ձայն հանել
 Ահեղ — սարսափելի

ՆԱՅ ՈՒԽՏԱԿԻՐՈ

Երթաս բարո՛վ, ա՛յ ուխտաւոր,
Երանի՛ քեզ, հա՛յ ուխտաւոր,
Որ կարօտով ու սիրառատ
Ուխտի կ'երթաս դէպ Արարատ:

Զեփիւռնե՛րով, ծաղկանց բոյրո՛վ,
Ինչպէս ծնող սիրագորով,
Քեզ պիտ գրկեն զմբուխտ հագած
Գեղամ սարերն ու Արագած:

Ու կարօտած աչքի նման
Քեզ պիտ ժպտի վճիտ Սեւան,
Որ լեռներու շուքերու հետ
Խաղեր կ'ընէ, խայտայ վէտ վէտ:

Իսկ Մասի՛սը, այն սար հսկան
Մեր սարերուն սարն ու արքան
Ճերմակ գլխուն ամպեր փաթթած
Պիտի ելլէ դէմըդ յանկարծ:

Երթաս բարո՛վ, ա՛յ ուխտաւոր,
Երանի՛ քեզ, հա՛յ ուխտաւոր,
Որ կարօտով ու սիրառատ
Ուխտի կ'երթաս դէպ Արարատ:

ՅՈՎՀ. ԹՈՒՄԱՆԵԱՆ

Արարատ եւ Արագած Հայաստանի ամենաբարձր լեռներն են: Գեղամ Մարերը Սեւան լիճին չուրջի լեռներն են:

Ուխտաւոր — սուրբ տեղ մը այցելութեան կամ աղօթելու համար գացող մարդ մը
Ուխտի երթալ — սուրբ տեղ մը երթալ
Զեփիւռ — շատ մեղմ հով
Բոյր — հոտ
Զմբուխտ — տեսակ մը թանկագին քար
Սիրագորով — շատ սիրելով
Վճիտ — մաքուր, պայծառ, յստակ
Շուք — ստուեր
Խայտալ — ուրախութենէ վեր վեր ցատկել
Վէտ վէտ — շարժուող (ջուր)
Հսկայ — շատ խոշոր, շատ մեծ:



ԲԱՆԱՐԱՆ

Աղամանդ - diamond	բղկտել - to tear to pieces
ահազանգ - alarm	
ահեղ - terrible, mighty	բիւր - myriad
աղեղ - bow	բուք - snow storm
արտ - field, farm	
արգելակ - brake	գանձ - treasure
ապառաժ - rock	զանգուր - curly
անութ - armpit	գազան - beast
անդունգ - abyss	գարշելի - abominable
այր - cave	զերի - captive, slave
առագաստ - sail	գետնայարկ - basement
աղաւնի - dove, pigeon	գմբէթ - dome
անյատակ - bottomless	զոհար - jewel, gem
ապատան - shelter	գորով - tenderness, solicitude
աւազուտ - sandy	
այցելու - visitor	զոմ - stable
ակոս - furrow	զթալ - to pity
աճապարանք - haste	զգուանք - caress
անձնազոհ - self-sacrificing	
աժայի - desolate	դար - century
Բարբառ - dialect, language	դաժան - cruel
բարբարս - barbarian	դալար - verdant
բանակ - army	դիսկ - corpse
բակ - backyard	դիցազն - hero
բազէ - hawk	դրախտ - paradise
բաշխել - to distribute	դրօշ - flag, banner
բաղձալ - to wish	դրդալ - to rumble
բազմանալ - to multiply, to increase	
	եղբայրագիծ - rail

Երկրաշարժ - earthquake
Երկաթուղի - railroad
Զամբիւղ - basket
Դարձուրանք - horror
Դառիվէր - uphill
Դայրանալ - to get angry
Դրիգալ - to clang
Դուտրթ - merry
Դիփիւռ - zephyre, breeze
Ընթրիք - supper
Ընտիր - choice
Թափահարել - to flap
Թղենի - fig tree
Թնդալ - to roar
Թշուառ - miserable
Թոռ - grandchild
Թուփ - bush
Թութակ - parrot
Թօնիւլ - wither
Թրպլուսալ - to shudder, to flutter
Իմաստուն - wise
Իշխան - prince
Լանջ - slope, chest
Լաւա - lava

Խարել - to stretch (a bow), to tune (a musical instrument)	Կաղկանձել - whine
	Կամար - arch
Կառք - vehicle	Կճղակ - cloven hoof
	Կողով - basket
Կործանել - to demolish	Կոռանկ - blond
	Կոռունկ - crane
Կոնչել - to crow	Կրիայ - thick, dense
	Կոնդոռիլ - to frown
Կոռպան - wild, uncultivated	Կրասեր - turtle
	Կրասեր - youngest
Հոնարհ - humble	Հանք - mine
Հոխոջել - to murmur (as a brook)	Հակառակորդ - adversary
	Հառաչել - to sigh
Հոռամանկ - cunning, sly	Հեղ - meek
	Հեղեղ - flood
Հոռոք - sheaf	Հեղնել - to deride
Հոռուփ - lid, cover	Հիւղ - hut
	Հնարք - invention
Ծածանիլ - to float	Հնդիկ - Indian
Ծիծառ - swallow	Հրէշ - monster
Ծիլ - bud	Հորթ - calf
Ծխամորճ - pipe (smoking)	Հսկայ - giant
Ծինելոյզ - chimney	Հիւսել - to knit
	Հրաշք - miracle
Կատար - summit	Հնազանդել - to obey
Կաղ - lame	Հզօր - mighty
Կարապետ - forerunner	Հպում - touch
Կարկաչել - to murmur	Հովիւ - shepherd
Կարկանդակ - cake	Հնարք - means
Կայտառ - robust	Զիթենի - olive tree
Կայծկատալ - to sparkle	Ճուռ - egg
Կաթսայ - kettle	
Կաւ - clay	Ճանկ - claw
	Ճաղ - dew, shower
	Ճչն - prosperous

Ճիթ - drop	սայթաքել - to slip	տարեկից - of the same age
Ճշխն - rustle	սլանալ - to dart	տեղալ - to pour, to shower
Ճուկ - whisper	նոռնդ - nourishment	տունկ - plant
Ճողեմեքենայ - steam engine	սրատես - keen	տակառ - barrel
Ճուք - shade, shadow	սրամիտ - witty	տիկնիկ - doll
Ոբոս - thunder	սաւան - sheet	տօնածառ - Christ-mas tree
Ոռնալ - to howl	սարեակ - blackbird	տնտեսել - to economize
Ոռոգել - to irrigate	սրինդ - flute	Յանկապատ - fence
Ոտոստել - to hop	ստորոտ - skirt (of a mountain)	յեղ - tribe
Ուխտառ - pilgrim	Մազմիկ - warrior	յնձութիւն - joy
Ուշթափ - faint	Սոխակ - nightingale	յնցոտի - rags
Ուշիմ - smart	Սոթտել - to roll up	յրտահար - cold-bitten
Զքնաղ - beautiful	Սուզել - to dive	Օրհնել - to bless
Պարան - rope	Սուրհանդակ - courier	Փակել - to shut, to close.
Պարծենալ - to boast	Սոսափիւն - rustle	Փողփողել - to wave, to glitter.
Պարկ - bag	Վարդապետ - monk	Փուշ - thorn
Պարտուած - defeated	Վանկ - syllable	Փառք - glory
Զարդ - massacre	Վէճ - dispute	Փրփուր - foam
Ճանալ - to try	Վիշապ - dragon	Քլունկ - drill
Ջրաղաց - water mill	Վճիտ - clear	Քուճուճ ընել - to pick grains (as do birds)
Ջրաշուշան - water lily	Վասկ - brook	
Սպն - pupil	Տատասկ - thorn	
Արսափ - terror	Տարակուսանք - doubt	
Աաւառնիլ - to soar		

ՑԱՆԿ

- | | |
|---|----|
| 1. Մայրենի լեզու - Արմ. Տ. Ահարոնեան | 5 |
| 2. Հրազդան - Վ. Ա. | 6 |
| 3. Վարժարանը - Ղ. Աղայեան | 9 |
| 4. Գայլն ու արծիւը - Յովհ. Թումանեան | 10 |
| 5. Գետակը - Յովհ. Թումանեան | 11 |
| 6. Փոքրիկ տունկը եւ կաղնին - Անգլ. քարզմ. Վ. Ա. | 12 |
| 7. Գիւղին զիշերը - Յովհ. Թումանեան | 14 |
| 8. Խորամանկ աղուէսը - Վ. Այգեցի | 15 |
| 9. Աշուն - Յովհ. Թումանեան | 16 |
| 10. Քաջ զինուորը - Վ. Այգեցի | 17 |
| 11. Դպրոցի ճամբան - «Լուսաբեր» | 18 |
| 12. Ինչի՞ն մէջ է ոյժը - Ղ. Աղայեան | 21 |
| 13. Աշան վերջը - Ռուս. քարզմ. Արմ. Տ. Ահարոնեան | 23 |
| 14. Վայրենին եւ նամակը - «Լուսաբեր» | 24 |
| 15. Խրատ | 26 |
| 16. Զմրան երեկոյ - Ռուս. քարզ. Արմ. Տ. Ահարոնեան | 27 |
| 17. Գղուանքի կարօտ - Սու. Լիսիցեան | 28 |
| 18. Ազատուած թռչնիկը - Ռուս. քարզմ. Արմ. Տ. Ահարոնեան | 29 |
| 19. Հայկ եւ Բէլ - Վ. Ա. | 30 |
| 20. Մեր հայրենիք - Մ. Նալբանդեան | 34 |
| 21. Փախտական երգիչներ - Մարզպետ | 35 |
| 22. Երբ աշուն ըլլայ - Գ. Սարեան | 39 |
| 23. Սրամիտ հովիւը - Հ. Անկման | 40 |
| 24. Մարդը - Յովհ. Թումանեան | 44 |
| 25. Արարատ - Վ. Ա. | 47 |
| 26. Թռչունն ու որսորդը - Արմ. Տ. Ահարոնեան | 48 |
| 27. Հայրենիք - Աշուլ Զիւանի | 49 |
| 28. Երկաթէ թռչունը - Վ. Ա. | 50 |
| 29. Միծեռին - Ար. Խնկոյեան | 53 |



	էջ
30. Ճնճղուկին մահը — Ա. Ահարոնեան	54
31. Միծեռնիկ — Գամառ. Քաքիպա	60
32. Անձնազոհ տղան — «Լուսաբեր»	61
33. Ամէն գարունքին — Աւ. Խսահակեան	65
34. Գերին եւ առիւծը — Գերմ. քարգմ. Արտ. Զիլինգարեան	66
35. Կանաչ աղբեր — Յովի. Թումանեան	69
36. Չալանկը — Ստ. Զօրեան	70
37. Կանաչչ' այդի — Ար. Խնկոյեան	74
38. Յովհաննէս աղբարը — Ռ. Զարդարեան	75
39. Մոյլը եւ ջանասէրը — Ժողվ. ասացուածք	78
40. Թով ունի — Արամ Գառօնէ	79
41. Դէպի Սեւան — Վ. Ա.	80
42. Սեւան լիճը	85
43. Անտուն տղայ — Վահան Տէրեան	86
44. Զրաշուշան — Անգլ. քարգմ. Վ. Ա.	87
45. Զիւն — Գ. Սարեան	91
46. Յիսուսի տօնածառը — Ֆ. Դոստուեսկի, ոռու. քրգմ. Վ. Ա.	92
47. Երադիս տեսայ — Աւ. Խսահակեան	98
48. Պուպրիկը — Համաստեղ	99
49. Միլերու թագաւորը — Աւ. Խսահակեան	105
50. Մարդն ու հրէշը — Գ. Բարխուդարեան	107
51. Աղուէսն ու գայլը — Վ. Այգեցի	117
52. Հայ Ուխտաւոր — Յովի. Թումանեան	118
53. Բառարան	120

ՀԱՆԵԼՈՒԿՆԵՐՈՒ ԼՈՒԾՈՒՄԸ

	էջ
1. Երկինք եւ աստղեր	52
2. Զութակ	59
3. Զիւնը	78
4. Կոշիկը	90
5. Հաւկիթ	97
6. Զեռնափայտ	98
7. Անձրեւ	104

ԴԻՆ 50 ԱԵՆԹ

ՏՊԱՐԱՆ «ՀԱՅՐԵՆԻՔ»
ՊՈՍԹԸՆ

100





